



СЛУЖБА  
МІРСКИМЪ ЧИНОМЪ

РЪССКІЙ СЛУЖИТЕЛЬ  
Санктъ-Петербургъ

Печатано съ Часовника, 1640 г., Шестоднева, 1651 г.,  
Воскресной службы, Новозыбковъ, 1997 г.

## Предисловіе

Богослуженія, напечатанныя въ этомъ послѣдованіи, взяты всѣ изъ **Древлеправославныхъ** книгъ.

Въ изданіе включены: Воскресный кругъ богослуженія, Пасхальное богослуженіе въ Пасхальную ночь, примѣнительныя къ домашней молитвѣ, воскресныя каноны 8-и гласовъ на Павечерницѣ, Воскресной полунощницы и на Утрени.

Каждый христіанинъ обязанъ въ субботу вечеромъ и въ воскресеніе утромъ участвовать въ церковныхъ богослуженіяхъ. Если же кто не имѣетъ возможности быть въ храмѣ, онъ можетъ помолиться, творя службу воскреснаго дня, помѣщаемуя въ сей книгѣ. Въ случаѣ болѣзни допускается читать молитвы сидя или лежа, но совсѣмъ оставлять ихъ нельзя.

По уставу слѣдуетъ Вечерню и Пáвечерницу совершать съ вечера накануне воскреснаго дня. Полунощницу, Утреню, Часы и Обѣдницу совершаютъ утромъ въ воскресеніе.

Начиная молитву и по совершеніи ее слѣдуетъ творить поклоны, какъ изложено въ началѣ Вечерни и Пáвечерницы. Въ началѣ молитвы эти поклоны называются приходными, а въ концѣ — исходными поклонами.

Вѣрующимъ сія книга полезна для усвоенія послѣдовательности богослуженія и ознакомленія съ тѣми или иными молитвами и пѣснопеніями богослужебнаго чина.

Тотъ кто разбирается въ богослужебныхъ книгахъ, стихѣры, сѣдальны, тропари, кондаки, прокимны воскреснаго богослуженія 6-го гласа замѣняетъ по гласу недѣли, указаннаго въ Православномъ календарѣ.

При возникновеніи тѣхъ или иныхъ вопросовъ, связанныхъ съ уставнымъ чинопослѣдованіемъ, необходимо обратиться за разъясненіемъ къ вѣрующимъ, знающимъ богослужебный уставъ.

Вечерня

## ВОСКРЕСНАЯ СЛУЖБА

### ВЕЧЕРНЯ

*Передъ началомъ Вечерни творятъ приходные поклоны:*

Боже, милостивъ буди мнѣ грѣшному *(поклонъ)*.

Создави мя, Господи, помилуй мя *(поклонъ)*.

Безъ числа согрѣшихъ, Господи, помилуй и прости мя грѣшнаго *(поклонъ)*.

Достойно есть яко воистину блажити Тя Богородице, присно Блаженную и Пренепорочную и Матерь Бога нашего. Честнѣйшую Херувимъ и слаvnѣйшую воистину Серафимъ, безъ истленія Бога Слова рождшую, сущую Богородицу Тя величаемъ *(поклонъ до земли)*.

Слава Отцу и Сыну и Святому Духу *(поклонъ)*, и нынѣ, и присно, и во вѣки вѣкомъ, аминь *(поклонъ)*.

Господи помилуй, Господи помилуй, Господи благослови *(поклонъ)*.

Господи Исусе Христе Сыне Божій, молитвъ ради Пречистыя Твоея Матере, силою честнаго и животворящаго Креста и святаго ангела моего хранителя и всѣхъ ради святыхъ, помилуй и спаси мя яко Благъ и Человѣколюбецъ. Аминь *(поклонъ до земли безъ крестнаго знаменія)*.

Боже, милостивъ буди мнѣ грѣшному *(поклонъ)*.

Создави мя Господи, помилуй мя *(поклонъ)*.

Безъ числа согрѣшихъ, Господи, помилуй и прости мя грѣшнаго *(поклонъ)*.

*Начало Вечерни.*

За молитвъ святыхъ Отецъ нашихъ, Господи Исусе Христе Сыне Божій, помилуй насъ. Аминь.

## Вечерня

Царю Небесный, Утѣшителю, Душе истинный, иже вездѣ сый и вся исполняя, Сокровище благихъ и жизни Подателю, прииди и вселися въ ны и очисти ны отъ всякія скверны, и спаси Блаже душа наша.

Святыи Боже, Святыи Крѣпкій, Святыи Безсмертный, помилуй насъ *(3 раза съ поклонами)*.

Слава Отцу и Сыну и Святому Духу, и нынѣ и присно и во вѣки вѣкомъ, аминь.

Пресвятая Троице помилуй насъ, Господи очисти грѣхи наша, Владыко прости беззаконія наша, Святыи посети и исцѣли немощи наша, имене Твоего ради.

Господи помилуй *(3 раза)*.

Слава Отцу и Сыну и Святому Духу, и нынѣ и присно и во вѣки вѣкомъ, аминь.

Отче нашъ, иже еси на небесехъ, да святится имя Твое, да приидетъ Царствіе Твое, да будетъ воля Твоя яко на небеси и на земли, хлѣбъ нашъ насущный даждь намъ днесь, и остави намъ долги наша, якоже и мы оставляемъ должникомъ нашимъ, и не введи насъ во искушеніе, но избави насъ отъ лукаваго.

Господи Исусе Христе Сыне Божій, помилуй насъ, аминь.

Господи помилуй *(12 разъ)*.

**Слава, и нынѣ.**

Приидите поклонимся Цареви нашему Богу *(поклонъ)*.

Приидите поклонимся Христу Цареви и Богу нашему *(поклонъ)*.

Приидите поклонимся и припадемъ къ Самому Господу Исусу Христу Цареви и Богу нашему

Вечерня

(поклонъ).

*Псаломъ 103.*

Благослови душе́ моя Господа. Господи Боже мой, возвели́чился еси зѣло. Во исповѣданіе и въ велелѣпотуся облече́. Одѣяйся свѣтомъ яко ризою, пропинаяи небо яко кожу. Покрывааяи водами превы́спрення Своя, полагааяи облаки на восхождение Свое, ходяи на крилу́ вѣтреню. Творяи ангелы Своя духи, и слуги́ Своя огонь палящъ. Основаяи зѣмлю на тверди Своей, не преклонітся въ вѣкъ вѣка. Бездна яко риза одѣяніе ея. На горахъ стануть воды. Отъ запрещенія Твоего побѣгнутъ, отъ гласа грома Твоего устрашатся. Восхóдятъ горы и нисхóдятъ поля, въ мѣсто еже основалъ еси имъ. Предѣлъ положи́ его же не пре́йдутъ, ниже́ обратятся покрыти землю. Посылая́ источники въ дерѣхъ, посредѣ горъ про́йдутъ воды. Напаяютъ вся звѣри сѣльныя, ждуть она́гри въ жажду свою. На ты птицы небесныя привита́ютъ, отъ среды́ ка́менія дадутъ гласъ. Напаяя горы отъ превы́спренныхъ Своихъ, отъ плода́ дѣлъ Твоихъ насы́тится земля. Прозябая́ па́жити ското́мъ, и траву́ на службу́ человѣкомъ, извѣсти́ хлѣбъ отъ земли. И вино веселитъ сердце́ человѣку. Ума́стити лице́ еле́омъ. И хлѣбъ сердце́ человѣку укрѣпítъ. Насы́тятся древа́ польская́, кедри ливаньстіи, ихъ же еси насадилъ. Ту птицы вогнѣзятся, еродіево жилище обладаетъ ими. Горы высокія еленемъ, камень прибѣжище́ заяцемъ. Сотворилъ еси луну во времена́, солнце позна́ западъ свой. Положи тму и бысть но́щь, въ ней же про́йдутъ вси звѣріе дубравніи. Скѣмни рыка́юще восхитити, и испросити отъ Бога пищу себѣ. Возсія́ солнце и собра́шася, и

## Вечерня

въ ло́жахъ своихъ лягутъ. Изы́детъ чело́вкъ на дѣ́ло свое, и на дѣ́ланіе свое до вечера. Яко возвели́чишася дѣ́ла Твоя Господи, вся премудростію сотворилъ еси. Испол́нися земля твари Твоея. Се море велико и пространно, ту гади имъ же нѣсть числа, животно́на малая съ великими. Ту кораблі́ препла́ваютъ, змій сей, его же созда́ руга́тися ему. Вся къ Тебѣ́ чають, дати пищу́ имъ во благо время, да́вшу Тебѣ́ имъ соберу́тъ. Отвѣ́рзшу Тебѣ́ ру́ку, всяческая испол́нятся бла́гости. Отвраща́ющу же Тебѣ́ лице́ возмьа́тутся, отъимеши́ духи ихъ и исчезнутъ, и въ персть свою́ возвратя́тся. По́слеси́ духъ Свой и сози́ждутся, и обнові́ши лице́ земли́. Буди слава Господня во́ вѣки, возвеселі́тся Господь о дѣ́лѣхъ Своихъ. Призира́яи на землю и творя́ ю трясти́ся, прикаса́яся гора́хъ и возды́мятся. Воспою́ Господеви въ живото́у моемъ, пою́ Богу моему до́ндеже есмь. Да наслади́тся Ему́ бесѣ́да моя, азъ же возвеселю́ся о Господе́. Сконча́ются грѣшницы отъ земли́ и беззаконни́цы яко не быти имъ, благослови́ душе́ моя Господа.

Яко возвели́чишася дѣ́ла Твоя Господи, вся премудростію сотворилъ еси.

**Слава, и нынѣ́.**

Аллилу́я, аллилу́я, слава Тебѣ́ Боже *(3 раза съ поклонами)*.

Господи поми́луй *(12 разъ)*.

**Слава, и нынѣ́.**

*Каѳизма 1.*

*Псаломъ 1.* Блаже́нъ мужъ, иже неі́де на совѣ́тъ нечесті́выхъ, и на пути грѣ́шныхъ не ста, и на сѣ́далищи губи́тель не сѣ́де. Но въ законѣ́ Господни воля́ его, и въ законѣ́ Его́ поучи́тся день и но́щь.

## Вечерня

И будетъ яко древо саждено при исходищихъ водъ, еже плодъ свой дастъ во время свое. И листъ его не отпадётъ, и вся елика аще творі успѣтъ. Не тако нечестіви не тако, но яко прахъ, его же возметаетъ вѣтръ отъ лица земли. Сего ради не воскреснутъ нечестіви на судъ, ни грѣшницы въ совѣтъ праведныхъ. Яко свѣсть Господь путь праведныхъ, и путь нечестивыхъ погібнетъ.

*Псаломъ 2.* Вскую шаташася языцы, и людіе поучишася тщетнымъ. Предсташа царіе зѣмстии. И князи собрашася вкупѣ, на Господа и на Христа его. Расторгнемъ узы ихъ, и отвержемъ отъ насъ иго ихъ. Живыи на небесѣхъ посмѣется имъ, и Господь поругается имъ. Тогда возлаголетъ къ нимъ гнѣвомъ Своимъ, и яростію Своею смутитъ я. Азъ же поставленъ есмь царь отъ Него надъ Сіономъ горою святою Его, возвещая повелѣніе Господне. Господь рече ко мнѣ, сынъ Мой еси ты, Азъ днесъ родихъ тя. Проси отъ Мене, и дамъ ти языки достояніе твое, и одержаніе твое концы земли. Упасеши я палицею желѣзною, яко сосуды скудѣлнича сокрушиши я. И нынѣ царіе разумѣйте, накажитесь вси судящіе земли. Работайте Господеви со страхомъ и радуйтесь Ему съ трепетомъ. Приимите наказаніе, да некогда прогнѣвается Господь, и погібнете отъ пути праведнаго, егда возгорятся вскорѣ ярость Его. Блажени вси надеющіися на нѣ.

*Псаломъ 3.* Господи, чтося умножиша стужающіи ми, мнози востають на мя. Мнози глаголють души моей, нѣсть спасенія ему въ Бозѣ его. Ты же Господи заступникъ мой еси, слава моя, и вознося главу мою. Гласомъ моимъ ко Господу возвахъ, и



## Вечерня

услыша мя отъ горы святыя Своея. Азъ уснухъ и спяхъ востахъ, яко Господь заступитъ мя. Не убоюся отъ темъ людѣй, о́крестъ нападающихъ на мя. Воскресни Господи, спаси мя Боже мой. Яко Ты порази вся враждующія ми всеу, зубы грѣшникомъ сокрушилъ еси. Господне есть спасеніе, и на людехъ Твоихъ благословеніе Твое.

**Слава, и нынѣ.**

Аллилуія, аллилуія, слава Тебѣ Боже *(3 раза съ поклонами)*.

Господи помилуй *(3 раза)*.

**Слава, и нынѣ.**

*Псаломъ 4.* Внегда́ возвахъ, услыша мя Боже правды моея, въ скорби распространилъ мя еси. Ущѣдри мя, и услыши молитву мою. Сынове чело́вѣчестіи, доколѣ тяжкосѣрдїи, вскую любите суетная и ищите лжи. И увѣдите яко удивї Господь преподобнаго Своего, Господь услышитъ мя вегда взову къ Нему. Гнѣвайтесь, и не согрѣшайте, яже глаголете въ сѣрдцыхъ вашихъ, на ложахъ вашихъ умилїтеся. Пожрите жертву правдѣ и уповайте на Господа, мнози глаголютъ, кто явитъ намъ благая. Зна́менася на насъ свѣтъ лица Твоего Господи, далъ еси веселїе въ сѣрдцы моемъ. Отъ плода́ пшеницы, вина, и елея своего умножишася. Въ мирѣ вкупѣ усну́ и почию. Яко Ты Господи еди́наго на упованїе вселїлъ мя еси.

*Псаломъ 5.* Глаголы моя внуши Господи, разумѣй званїе мое. Вонми́ гласъ молитвы моея, царю мой и Боже мой. Яко къ Тебѣ помолюся Господи, заўтра услыши гласъ мой. Заўтра предстану Ти и ўзриши мя, яко Богъ не хотяи беззаконїе, Ты еси. Не прїидетъ къ Тебѣ лукавнуняи, ни пребудутъ же

## Вечерня

законопреступницы предъ очима Твоима. Возненавидѣлъ еси вся творящія беззаконіе, погубиши вся глаголющія лжу. Мужа крѡви и льстива гнушаётся Господь. Азъ же мно́жествомъ мѣлости Твоея, вни́ду въ домъ Твой, поклоню́ся къ церкви святей Твоей въ стра́съ Твоемъ. Господи, настави мя правдою Твоею, врагъ моихъ ради, испра́ви предъ Собою путь мой. Яко нѣсть во устѣхъ ихъ истины, сердце ихъ суетно. Гробъ отверстъ гортань ихъ, языки Своими льщаху, суди имъ Боже. Да отпадутъ отъ мыслей Своихъ, по множеству нечестія ихъ изрини я, яко прогнѣваша Тя Господи. И возвеселя́тся вси уповающїи на Тя, во́ вѣки возра́дуются, и всели́шися въ нихъ. И похва́лятся о Тебѣ любящїи имя Твое, яко Ты благословиши праведника. Господи, яко оружіемъ благоволенія венчалъ еси насъ.

*Псаломъ 6.* Господи, да не яростію Твоею обличиши мене, ниже гнѣвомъ Твоимъ пока́жеша мене. Помилуй мя Господи, яко немощенъ есмь, исцѣли мя Господи, яко смутішася кости моя. И душа моя смутіся зѣло́, и Ты Господи доколѣ. Обрати Господи, изми душу мою, спаси мя ради милости Твоея. Яко нѣсть въ смерти помина́яи Тебѣ, во адѣ же кто исповѣсться. Утрудихся воздыханіемъ моимъ, измыю на всяку но́щь ложе мое, слезами моими постѣлю мою омочу́. Смутіся отъ ярости око мое, обетша́хъ во всѣхъ вразѣхъ моихъ. Отступите отъ мене вси творящїи беззаконіе, яко услыша Господь гласъ пла́ча моего. Услы́ша Господь моленіе мое, Господь молитву мою прїя́тъ. Да постыдятся и смятутся вси врази мои, возвратятся и устыдятся зѣло́ вскорѣ.

Вечерня

Слава, и нынѣ.

Аллилуія, аллилуія, слава Тебѣ Боже *(3 раза съ поклонами)*.

Господи помилуй *(3 раза)*.

Слава, и нынѣ.

*Псаломъ 7.* Господи Боже мой на Тя упова́хъ, спаси мя отъ всѣхъ гонящихъ мя, и избави мя. Да некогда́ похититъ яко левъ ду́шу мою, не сущу избавляюще, ниже спасающе. Господи Боже мой, аще сотвори́хъ се, аще есть неправда въ руку́ моею. Аще воздахъ воздающимъ ми зла, да отпадуть убо отъ врагъ моихъ тощъ. Да поженеть убо врагъ душу мою, и постигнетъ, и поперетъ въ земли́ животъ мой, и славу мою въ персть вселить. Воскресни́ Господи гнѣвомъ Твоимъ, вознеси́ся въ концы́хъ врагъ Твоихъ. И востани Господи Боже мой повелениемъ, имъ же заповѣда, и сонмъ людей обыдетъ Тя. И о томъ на высоту обратися. Господь судитъ людемъ. Суди ми Господи по правдѣ моей, и по незлобѣ моей на мя. Да скончается злоба грѣшныхъ, и исправиши праведнаго, испыта́яи сердца́ и утробы Боже. Пра́ведна помощь моя отъ Бога, спасающаго правыя сердцемъ. Богъ судитель праведенъ, и крѣпокъ и долготѣрпеливъ, и не гнѣвъ наводя́ на всякъ день. Аще не обратитесь, оружіе Свое очиститъ, лукъ Свой напряже́, и уготова и. И въ немъ уготова сосуды смѣртныя, стрѣлы Своя съ горящими содѣла. Се болѣ неправду, зачатъ болѣзнь и роди беззаконіе. Ровъ изры́, и ископа́ и, впадется въ яму юже содѣла. Обратится болѣзнь его на главу́ его, и на верхъ его неправда его снидетъ. Испове́мся Господеви по правдѣ Его, и пою имени Господню

## Вечерня

вы́шнему.

*Псаломъ 8.* Господи Господь нашъ, яко чудно имя Твое по всей землі. Яко взятся велелѣпота Твоя превыше небесъ. Изо устъ младенецъ и ссущихъ свершилъ еси хвалу, врагъ Твоихъ ради, разрушиши врага и мѣстника. Яко узрю небеса дѣла перстъ Твоихъ, луну и звѣзды, яже Ты основа. Что есть челоуѣкъ яко помниши ѿ, или сынъ челоуѣчь яко посещаети ѿ. Умалилъ еси его малымъ чимъ отъ ангелъ, славою и честію вѣнчалъ еси его, и поставилъ еси его надъ дѣлы рѹку Твоею. Вся покорилъ еси подъ нозѣ его, овца и волы вся, еще же и скоты польскія. Птицы небесныя, рыбы морскія, преходящія стезя морскія. Господи Господь нашъ, яко чудно имя Твое по всей земли.

**Слава, и нынѣ.**

Аллилуія, аллилуія, слава Тебѣ Боже (*3 раза съ поклонами*).

Господи помилуй (*3 раза*).

**Слава, и нынѣ.**

*Псалмы возвашныя.*

*Псаломъ 140.* Господи возвахъ къ Тебѣ, услыши мя, вонми гласъ молитвы моея, егда воззову къ Тебѣ. Дася исправитъ молитва моя, яко кадило предъ Тобою, воздѣяніе рѹку моею жертва вечерняя. Положи Господи храненіе устомъ моимъ, и дверь огражденія о устнахъ моихъ. Не уклони сердце мое въ словеса лукавствія, не щевати вины о грѣсехъ. Съ челоуѣки творящими беззаконіе, и не считаюся со избранными ихъ. Покажетъ мя праведникъ милостію, и обличитъ мя, елей же грѣшнаго, да не намаститъ главы моея. Яко еще и молитва моя во благоволѣніихъ ихъ, пожертвы

## Вечерня

быша при камени судій ихъ. Услышатся глаголи мои яко возмогóша, яко тóлща земли просѣдеса на земли, разсыпашася кóсти ихъ при адѣ. Яко къ Тебѣ Господи Господи очи мои, на Тя уповахъ, не отъими́ ду́шу мою. Сохрани́ мя отъ сѣти юже составиша ми, и отъ соблазнь дѣлающихъ беззаконіе. Впадутся во мрѣжу свою грѣшницы, единъ есмь азъ, дондеже прейду.

*Псаломъ 141.* Гласомъ моимъ ко Господу возвахъ, гласомъ моимъ ко Господу помолюся. Пролію предъ Нимъ молитву мою, и печаль мою предъ Нимъ возвещу. Внегда́ исчеза́етъ духъ мой, и Ты позна́ стези мои. На пути семъ, по нему же хождáхъ, скрýша сѣть мнѣ. Смотря́хъ одесну́ю и возгляда́хъ, и не бѣ́ зна́яи мене, погíбе бѣгство отъ менé, и нѣсть взыска́яи душу мою. Возвахъ къ Тебѣ Господи, рѣхъ, Ты еси упованіе мое, часть моя еси на земли живыхъ. Воньми молитву мою, яко смири́хся зѣло. Избави мя отъ гонящихъ мя, яко укрѣпи́шася паче менé.

*Стихъры, гласъ 6.*

*Стихъ на 10.* Изведи́ изъ темни́цы ду́шу мою, исповѣ́датися имени́ Твоему.

Побѣ́ду имѣ́я Христе юже на а́да, и на крестъ възы́де, да сѣ́дящія во тмѣ́ и сѣ́ни смѣ́ртнѣ́й, воскреси́ши съ Собою, свободь сыи въ мѣ́ртвыхъ, источа́яи животъ отъ Своего свѣ́та, всеси́льне Спасе помилуй насъ.

*Стихъ.* Менé́ ждуть праведницы, дондеже возда́си мнѣ́.

Днесь Христосъ смерть попра́въ, яко же рече и воскресе, и ра́дованіе всему міру дарова́, да вси зыва́юще пѣ́снми тако рцемъ, исто́чнице жизни,

Вечерня

неприкосновенный свѣте, всесилне Спасе помилуй насъ.

*Псаломъ 129. Стихъ на 8. Изъ глубины́ возвахъ къ Тебѣ Господи, Господи услыши гласъ мой.*

Тебѣ Господи сущаго по всей твари, грѣшніи ка́мо бѣжимъ, на небеси Самъ живѣши, во адѣ же поправъ смерть, во глубинѣ морстѣй, ту рука́ Твоя Владыко, къ Тебѣ прибѣгаемъ, и Тебѣ припадающе молимся, воскресъ изъ мѣртвыхъ помилуй насъ.

*Стихъ. Бѹдете уши Твои, внѣмлюще гласъ молитвы моея́.*

Крестомъ Твоимъ Христе хва́лимся, и воскресеніе Твое поемъ и славимъ, Ты бо еси Богъ нашъ, развѣ Тебѣ иного не знаемъ.

*Стихъ на 6. Аще беззаконія на́зриши Господи, Господи кто постоитъ, яко отъ Тебѣ очищеніе есть.*

Слава силѣ Твоей Господи, яко разруши́ державу имущаго смерти, обновилъ же еси насъ Крестомъ Своимъ, дарова́ намъ животъ и нетлѣніе.

*Стихъ. Имене ради Твоего потерпѣхъ Тя Господи, потерпѣ́ душа моя въ слово Твое, упова́ душа моя на Господа.*

Всегда благословя́ще Господа, поемъ воскресеніе Его, распятіе бо претерпѣвъ, смертію смерть разруши́.

*Стихъ на 4. Отъ стражи́ у́тренія до но́щи, отъ стражи́ у́тренія, да упова́етъ Израиль на Господа.*

Погребеніе Твое Владыко, у́зы а́довы сокрушивъ растерза́, и еже изъ мертвыхъ Твое воскресеніе, весь міръ просвѣти, Человѣколю́бче слава Тебѣ.

*Стихъры Богородицъ, гласъ 3.*

Вечерня

*Стихъ.* Яко отъ Господа милость и много отъ Него избавленіе и Той избавитъ Израиля, отъ всѣхъ беззаконіи его.

Видящи не́мощь мою тѣлесную, и душевное страданіе, и сердечное озлобленіе, посѣщенія сподоби мя божественнаго, Всенепорочная Дѣво, и спаси мя молюся, тёплыми Твоими молитвами.

*Псаломъ 116. Стихъ.* Хвалите Господа вси языцы, похвалите Его вси людіе.

Всѣхъ преидо́хъ Владычице согрѣшенъми, но мно́жества сихъ Дѣвице очіщъши, милостей получи́ти ми Чистая сподоби, въ будущемъ судѣ Сына и Бога Твоего.

*Стихъ.* Яко утверди́ся милость Его на насъ, и истина Господня пребываетъ во вѣки.

Мно́жества согрѣшеніи моихъ, зову́щаго очисти Чистая, и чу́вствіи моихъ неуставная движенія, молитвеннымъ мечёмъ ссѣцы, яко да вѣрою и любовію пою, Твоё безсѣменное рождество.

*Слава, и нынѣ. Богородиченъ, гласъ 6.*

Кто Тебѣ не блажитъ Пресвятая Дѣвице, или кто не воспѣваетъ Твоего пречистаго рождества, безлѣтныи бо отъ Отца восіявыи Сынъ едиnorodный. Той же отъ Тебѣ Чистыя пройдѣ несказанно воплощъся, естествомъ Богъ сый, и естествомъ бывъ чело́вкъ насъ ради, не во двою́ лицу раздѣляемъ, но во двою́ естеству́ несмѣсно познаваемъ. Того моли Чистая и Всеблаженная помилуватися душамъ нашимъ.

*Молитва*

Свѣте тихій святыя славы безсмертнаго Отца Небеснаго Святаго блаженнаго Исуса Христа Сына Божія, пришедшаго на западъ солнцу, видевшие

## Вечерня

свѣтъ вечерній, поемъ Отца и Сына и Святаго Духа Бога. Достойнъ еси во вся времена пѣтъ быти гласы преподобными, Сыне Божій, животъ дайи всему міру, его же ради весь міръ славить Тя.

Прокимень, Псаломъ Давыдовъ, гласъ 6-й.  
Господь воцаріся, в лѣпотуся облече.

*Стихъ 1.* Облечеса Господь въ силу и препоясая.

*Стихъ 2.* Ибо утверди вселенную яже не подвижится.

*Стихъ 3.* Дому Твоему подобаеъ святыня Господи въ долготу днй.

*Стихъ 4.* Господь воцаріся, въ лѣпотуся облече.

*(Посль каждого стиха поется Господь воцаріся, въ лѣпотуся облече).*

Господи помилуй *(40 разъ, въ началъ пѣнія 3 поклона).*

**Слава, и нынѣ.**

Сподоби Господи въ вечеръ сей, безъ грѣха сохранитися намъ *(поклонъ)*, благословенъ еси Господи Боже Отецъ нашихъ *(поклонъ)*, и хвально и прославлено имя Твое во вѣки, аминь *(поклонъ)*. Буди Господи милость Твоя на насъ, якоже уповахомъ на Тя, благословенъ еси Господи, научи насъ оправданіемъ Твоимъ, благословенъ еси Владыко, вразуми насъ оправданіемъ Твоимъ, благословенъ еси Святыи, просвѣти насъ оправданіемъ Твоимъ.

Господи милость Твоя во вѣки, и дѣла руку Твоею не презри, Тебѣ подобаеъ хвала, Тебѣ подобаеъ пѣніе. Тебѣ слава подобаеъ, Отцу и Сыну и Святому Духу, нынѣ и присно и во вѣки вѣкомъ, аминь.

Господи помилуй *(12 разъ).*



Вечерня

**Слава, и нынѣ.**

*На стиховнѣ стихъры, гласъ б.*

Воскресѣніе Твое Христе Спасе, ангели поютъ на небесѣхъ. И насъ на земли сподоби, чистыми сердцы, Тебѣ славити.

**Стихъ. Господь воцарися, въ лѣпотуся облече.**

Врата сокрушилъ еси мѣдная, и верей адовы стерлъ еси яко Богъ. Родъ же человѣческій падшій воскресилъ еси всесильнъ. Сего ради и мы поюще вопіемъ, воскресъ изъ мѣртвыхъ, Господи слава Тебѣ.

**Стихъ. Ибо утверди вселенную, яже не подвижится.**

Тлѣнія насъ древняго Христосъ исправити хотѣ, на крестѣ пригвождается, и во гробѣ полагается. Его же мѣрносицы жены со слезами искаху, плачущеса глаголаху, увы намъ Спасе всѣхъ, како восхотѣ во гробѣ вселитися, вселивжеса волею, како украденъ бысть, како преложися, коѣже мѣсто скры Твое живоносное тѣло. Но о Владыко, якоже обѣщася намъ, явися, и утоли наше рыданіе слезное. Плачущимжеса имъ, ангелъ къ нимъ возопи, отъ плача преставше, апостоломъ рците, яко воскресе Господь, мірови даруя очищеніе и велию милость.

**Стихъ. Дому Твоему подобаеъ, святыни Господи въ долготу днѣй.**

Распятся якоже восхотѣ Христѣ, и смерть погребеніемъ си плѣнилъ еси. Триднѣвно воскресе яко Богъ со славою, мірови даруя безконечный животъ и велию милость.

**Слава, и нынѣ.**

Творецъ и Избавитель мой Пречистая Христосъ

## Вечерня

Господь, изъ Твоихъ ложеснъ прошедъ, въ мя обѣлся, пѣрвые клятвы Адамли свободи, Тѣмже Ти Пречистая, яко Божии Матери, Невѣстѣ и Дѣвѣ, воистину вопіемъ немолчно, радуйся ангельски, радуйся Владычице, предстательнице и покрове, и спасеніе душамъ нашимъ.

Нынѣ отпускаеши раба Своего Владыко, по глаголу Твоему съ миромъ. Яко видеста очи мои спасеніе Твое, еже еси уготовалъ предъ лицемъ всѣхъ людей. Свѣтъ во откровеніе языкомъ, и славу людей Твоихъ Израиля.

*Трисвятое, по* Отче нашъ.

*Тропарь, гласъ 6.*

Ангельскія силы на гробѣ Твоемъ, стрегущія омертвиша, и стояше Марія у гроба, ищущи пречистаго тѣла Твоего, испроверже ада, не искушся отъ него, срѣте Дѣву даруяи животъ, воскресъ изъ мертвыхъ, Господи слава Тебѣ.

*Слава, и нынѣ. Богородиченъ, гласъ 6.*

Иже благословенную нарекии Матерь Себѣ, прииде на страсть волею Своею, восіавъ на Крестѣ, взыскати хотя Адама, глагола ангеломъ, срадуйтемя яко обрѣтесе изгѣбшая драхма, иже вся мѣдрѣ устроивыи Господи слава Тебѣ.

Честнѣйшую Херувимъ и славноѣйшую воистину Серафимъ, безъ истлѣнія Бога Слова рождышую, сущую Богородицу Тя величаемъ (*поклонъ*).

Слава Отцу и Сыну и Святому Духу (*поклонъ*), и нынѣ и присно и во вѣки вѣкомъ, аминь (*поклонъ*).

Господи помилуй, Господи помилуй. Господи благослови (*поклонъ*).

*Отпустъ.* Воскресѣи изъ мертвыхъ Господи

### Утреня

Исусе Христе, Сыне Божій, молитвъ ради Пречистыя Твоея Матере, святыхъ славныхъ и всѣхъ-вальныхъ апостолъ, и святаго, *имярекъ*, его же есть день и всѣхъ ради святыхъ, помилуй и спаси насъ яко Благъ и Человѣколюбецъ.

Аминь. Господи помилуй (*3 раза*).

Крещеніе мірскимъ чиномъ

## УТРЕНЯ

За молитвъ святыхъ Отецъ нашихъ, Господи Исусе Христе Сыне Божій, помилуй насъ. Аминь.

*Трисвятое, по* Отче нашъ.

Господи Исусе Христе Сыне Божій, помилуй насъ, аминь.

Господи помилуй (*12 разъ*).

**Слава, и нынѣ.**

Приидите поклонимся Цареви нашему Богу (*поклонъ*). Приидите поклонимся Христу Цареви и Богу нашему (*поклонъ*). Приидите поклонимся и припадемъ къ Самому Господу Исусу Христу Цареви и Богу нашему (*поклонъ*).

*Псаломъ 19.* Услышитъ тя Господь въ день печали, защититъ тя имя Бога Іаковля. Послетъ ти помощь отъ святаго, и отъ Сіона заступитъ тя. Помянетъ всяку жертву твою, и вся сожженія твоя тучна буди. Дастъ ти Господь по сердцу твоему, и весь совѣтъ твой исполнитъ. Возрадуемся о спасеніи твоемъ, и во имя Господа Бога нашего возвеличимся. Исполнитъ Господь вся прошенія твоя. Нынѣ познахъ, яко спаслъ есть Господь Христа Своего. Услышитъ Его съ небесѣ святаго

### Утренняя

Своего, въ силахъ спасеніе десница Его. Сїи на колесницахъ, и сїи на конехъ, мы же во имя Господа Бога нашего призовемъ. Тїи спяти быша и падоша, мы же востахомъ и исправихомся. Господи, спаси царя, и услыши ны, вонъ же день еще призовемъ Тя.

*Псаломъ 20.* Господи, силою Твоею возвеселится царь, и о спасеніи Твоемъ возрадуется зблѣ. Желаніе сердца его далъ еси ему, и хотѣнія устнѣ его нѣси лишилъ его. Яко предварилъ еси его благословеніемъ благостыннымъ, положилъ еси на главѣ его вѣнецъ отъ камене чѣстна. Живота просилъ естъ у Тебѣ, и далъ еси ему долготу днѣй въ вѣкъ вѣка. Вѣлія слава его спасеніемъ Твоимъ, славу и велелѣпіе возложиши на нь. Яко даши ему благословеніе въ вѣкъ вѣка, возвеселиши его радостію съ лицемъ Твоимъ. Яко царь уповаетъ на Господа, и милостію Вышняго не подвижится. Обрящется рука Твоя всѣмъ врагомъ Твоимъ, десница Твоя обрящеть вся ненавидящія Тебѣ. Яко положиши ихъ яко пещь огненую, во время лица Твоего. Господь гнѣвомъ Своимъ смутитъ я, и снѣсть ихъ огонь. Плодъ ихъ отъ земли погубиши, и сѣмя ихъ отъ сыновъ человѣческихъ. Яко уклониша на Тя злая, помыслиша совѣты, ихъ же не возмогоша составити. Яко положиши я хребетъ во избытцѣхъ своихъ, уготоваеши лице ихъ. Вознесися Господи силою Твоею, воспоемъ и поемъ силы Твоя.

**Слава, и нынѣ.**

*Трисвятое, по* Отче нашъ.

Спаси Господи люди Своя, и благослови достояніе Свое, побѣды благовѣрному царю на-

## Утренняя

шему на сопротивныя даруй, и Своя сохраняя Крестомъ люди.

**Слава.** Вознесыйся на Крестъ волею, тезоименитому нынѣ граду Твоему, щедроты Твоя даруй Христе Боже, возвесели силою Своею благовѣрнаго царя нашего, побѣды дая ему на сопостаты, пособіе имуще Твое оружіе, міру непобѣдимую побѣду.

**И нынѣ.** Предстательнице страшная и непостыдная, не презри Благая молитвъ нашихъ, всепѣтая Богородице, утверди православныхъ житіе и спаси благовѣрнаго царя нашего, ему же повелѣ царствовать. Подай же ему небесную побѣду Богомъ, Его же родила еси, Едина Благословенная.

Господи помилуй *(12 разъ)*.

**Слава, и нынѣ.**

### ЕКСА ПСАЛМЫ

*(Шестопсалміе, читаются съ особымъ благоговѣніемъ)*

Слава въ вышнихъ Богу, и на земли миръ, въ чловѣцѣхъ благоволеніе *(3 раза)*.

Господи, устнѣ мой отвѣрзеши, и уста моя возвестятъ хвалу Твою *(2 раза)*.

**Псаломъ 3.** Господи, чтося умножиша стужающіи ми, мнози востають на мя. Мнози глаголють души моей, нѣсть спасенія ему о Бозѣ его. Ты же Господи заступникъ мой еси, слава моя, и вознося главу мою. Гласомъ моимъ ко Господу возвахъ, и услыша мя отъ горы святыя Своея. Азъ уснухъ и спяхъ, востахъ яко Господь заступитъ мя. Не убоюся отъ темъ людей, окрестъ нападающихъ на мя. Воскресни Господи спаси мя Боже мой. Яко Ты порази вся враждующыя ми все, зубы грѣшникомъ сокрушилъ еси. Господне есть спасеніе, и на

## Утренняя

людехъ Твоихъ благословеніе Твое.

Азъ уснухъ и спяхъ востахъ, яко Господь заступитъ мя.

*Псаломъ 37.* Господи, не яростию Твоею обличи мене, ни гнѣвомъ Твоимъ покажи мене. Яко стрѣлы Твоя унзоша ми, и утвердилъ еси на мнѣ руку Твою. Нѣсть исцѣленія въ плоти моей, отъ лица гнѣва Твоего, нѣсть мира въ костехъ моихъ, отъ лица грѣхъ моихъ. Яко беззаконія моя превзыдоша главу мою, яко бремя тяжело отяготѣша на мнѣ. Возсмердѣша и согнишася раны моя, отъ лица безумія моего. Пострадахъ и смирихся до конца, весь день сѣтуя хождяхъ. Яко лядвія моя наполинишася поруганіи, и нѣсть исцѣленія въ плоти моей. Озлобленъ быхъ и смирихся до зѣла, рыкахъ отъ воздыханія сердца моего. Господи, предъ Тобою все желаніе мое, и воздыханіе мое отъ Тебѣ не утайся. Сердце мое смутися, остави мя сила моя, и свѣтъ очію моею, и той нѣсть со мною. Друзи мои и искреніи мои, прямо мнѣ приближишася, и сташа. И ближніи мои отъ далече мене сташа, и нуждахуся ищущи душу мою, и ищущи злая мнѣ глаголаху суетная, и лстивная весь день поучахуся. Азъ же яко глухъ не слышахъ, и яко нѣмъ, не отверзая устъ своихъ. И быхъ яко человекъ не слыша, и не имыи во устѣхъ Своихъ обличенія. Яко на Тя Господи уповахъ, Ты услышиши, Господи Боже мой. Яко рѣхъ да некогда порадуютмися врази мои. И внигда подвижатися ногамъ моимъ, на мя велерѣчеваша. Яко азъ на раны готовъ, и болѣзнь моя предо мною есть вину. Яко беззаконіе мое азъ возвѣщу, и попекуся о грѣсѣ моемъ. Врази же мои живутъ,

### Утренняя

и укрѣпи́шася ꙗ́че мене́, и умно́жишася ненави́дящии мя безъ правды. Воздаю́щии ми зла возблага́я, оболга́ху мя, зане́ гоня́хъ благосты́ню. Не оста́ви мене́ Господи Боже мой, не отступи́ отъ мене. Вонми́ въ помощь мою, Господи спасенія моего.

Не оста́ви мене, Господи Боже мой, не отступи́ отъ мене. Вонми́ въ помощь мою, Господи спасенія моего.

*Псаломъ 62.* Боже Боже мой, къ Тебѣ́ у́тренюю. Возжада́ Тебѣ́ душа моя, коль мно́жицею Тебѣ́ плоть моя. Въ земли́ пу́стнѣ́ и непроходнѣ́ и безводнѣ́. Та́ко во святѣ́мъ яви́хся Тебѣ́, видѣ́ти силу Твою́ и славу Твою́. Яко лу́чши ми́лость Твоя ꙗ́че живо́тъ, устнѣ́ мои похвали́те Тя. Тако благословлю́ Тя въ животѣ́ моемъ, о имени Твоемъ воздежу́ рѹцѣ́ мои. Яко отъ ту́ка и масти исполнися душа́ моя, и устнѣ́ радости восхва́лятъ Тя уста́ моя. Аще помина́хъ Тя на постѣ́ли моей, на у́тренихъ поуча́хся въ Тя. Яко бысть помо́щникъ мой, и въ кро́вѣ́ крилу́ Твоею возра́дуюся. Прильпе́ душа́ моя по Тебѣ́, мене́ же прія́тъ десни́ца Твоя. Ти́и же все́е иска́ша ду́шу мою, вни́дутъ въ преисподняя́ земли́, преда́дутся въ рѹ́ки ору́жію, ча́сти ли́совомъ будутъ. Царь же возвеселится о Бозѣ́, похва́лится всякъ клены́ися имъ. Яко заградѣ́шася уста́ глаголющихъ неправду.

На у́тренихъ поуча́хся въ Тя, яко бысть помо́щникъ мой, и въ кро́вѣ́ крилу́ Твоею́ возра́дуюся. Прильпе́ душа́ моя по Тебѣ́, мене́ же прія́тъ десни́ца Твоя.

**Слава, и нынѣ́.**

Аллилу́я, аллилу́я, слава Тебѣ́ Боже (*3 раза, безъ поклоновъ*).

Утренняя

Господи помилуй (3 раза).

Слава, и нынѣ.

*Псаломъ 87.* Господи Боже спасенія моего, во дни возвахъ и въ нощи предъ Тобою. Да внидетъ предъ Тя молитва моя, приклоні ухо Твое къ молению моему. Яко исполнися золь душа моя, и животъ мой аду приближися. Привмѣненъ быхъ съ низходящими въ ровъ, быхъ яко человѣкъ безъ помощи въ мѣртвыхъ свобѣдъ. Яко язвеніи спящии во гробѣхъ, ихъ же не помянулъ еси къ тому, и ти отъ руки Твоея отриновѣни быша. Положиша мя въ ровъ преисподнѣмъ, въ тѣмныхъ и сѣни смѣртней. На мнѣ утвердися ярость Твоя, и вся волны Твоя наведѣ на мя. Удалилъ еси знаемыхъ моихъ отъ мене, положиша мя мѣрзость себѣ, преданъ быхъ и не исхождахъ. Очи мои изнемогостъ отъ нищеты. Возвахъ къ Тебѣ Господи весь день, воздѣхъ къ Тебѣ руцѣ мои. Еда мѣртвыми твориши чудеса, ли врачеве воскресятъ, и исповѣдятся Тебѣ. Еда повѣсть кто во гробѣхъ милость Твою, и истину Твою въ погѣбели. Еда познана будутъ во тмѣ чудеса Твоя, и правда Твоя въ земли забвенней. Азъ къ Тебѣ Господи возвахъ, и утро молитва моя предваритъ Тя. Вскую Господи отрѣеши дѣшу мою, отвращаеши лице Свое отъ менѣ. Нищъ есмь азъ, и въ трудѣхъ отъ юности моея, вознесъ же смирихся и изнемогохъ. На мнѣ преидоша гнѣви Твои, устрашенія Твоя возмутіша мя. Обыдоша мя яко вода, весь день одержаша мя вкупѣ. Удалилъ еси отъ мене друга и искренняго, и знаемыхъ моихъ отъ страстей.

Господи Боже спасенія моего, во дни возвахъ и въ нощи предъ Тобою. Да внидетъ предъ Тя



### Утренняя

моли́тва моя, приклони́ ухо Твое къ моле́нiю моему.

*Псаломъ 102.* Благослови душе́ моя Господа, и вся внутреняя моя имя святое Его. Благослови душе́ моя Господа, и не забывай всѣхъ воздаянiи Его. Очищающаго вся беззаконiя твоя, исцѣляющаго вся недуги твоя. Избавляющаго отъ истлѣнiя животъ твой, вѣнчающаго тя милостию и щедротами. Исполняющаго во благихъ желанiе твое, обновится яко орлу юность твоя. Твори ми́лостыню Господь, и судьбу́ всѣмъ обидимымъ. Сказа́ пути́ Своя Моисе́ови, сыновомъ Израилевомъ хотѣнiя Своя. Щедръ и милостивъ Господь, долготерпѣливъ и многомилостивъ. Не до конца прогнѣвается, ни въ вѣкъ враждуетъ. Не по беззаконiемъ нашимъ сотворилъ есть намъ, ни по грѣхомъ нашимъ воздалъ есть намъ. Яко по высотѣ небеснѣй отъ земли, утвердилъ есть Господь милость Свою на боящихся Его. Елико отстоятъ востоцы отъ западъ, удалилъ есть отъ насъ беззаконiя наша. Яко же щедритъ Отецъ сыны, ущедритъ Господь боящихся Его. Яко Той позна́ созданiе наше, помяну́ яко персть есмь. Человѣкъ яко трава, днiе его яко цвѣтъ сѣльныи, тако оцвѣтѣтъ. Яко духъ прѣидетъ въ немъ и не будетъ, и не познаетъ къ Тому мѣста своего. Милость же Господня отъ вѣка и до вѣка на боящихся Его. И правда Его на сынѣхъ сыновъ, хранящихъ заветъ Его, и помнящихъ заповѣди Его, творити я. Господь на небеси уготова престолъ Свой, и царство Его всеми обладаетъ. Благословите Господа вси ангели Его, сильнiи крѣпостию творящiи слово Его, услышати гласъ словесъ Его. Благословите

### Утренняя

Господа вся силы Его, слуги Его, творящи волю Его. Благословите Господа вся дѣла Его, на всякомъ мѣстѣ владычества Его, благослови душе моя Господа.

На всякомъ мѣстѣ владычества Его, благослови душе моя Господа.

*Псаломъ 142.* Господи, услыши молитву мою, внуши моление мое во истинѣ Твоей, услыши мя въ правдѣ Твоей. И не вниди въ судъ съ рабомъ Твоимъ, яко не оправдѣтся предъ Тобою всякъ живыи. Яко погна врагъ душу мою, смирилъ есть въ земли животъ мой. Посадилъ мя есть въ тѣмныхъ яко мѣртвыя вѣку, и уны во мнѣ духъ мой, во мнѣ смутися сердце мое. Помянухъ дни древнія, поучихся во всѣхъ дѣлѣхъ Твоихъ, и въ дѣлѣхъ руку Твоею поучахся. Воздѣхъ къ Тебѣ рѣцѣ мои, душа моя яко земля безводная Тебѣ. Скоро услыши мя Господи, исчезе духъ мой. Не отврати лица Твоего отъ мене, и уподоблюся низходящимъ въ ровъ. Слышану сотвори мнѣ за утра милость Твою, яко на Тя уповахъ. Скажи мнѣ Господи путь, вонъ же пойду, яко къ Тебѣ взяхъ душу мою. Изми мя отъ врагъ моихъ. Господи къ Тебѣ прибѣгохъ. Научи мя творити волю Твою, яко Ты еси Богъ мой. Духъ Твой благии наставитъ мя на землю праву. Имене Твоего ради Господи живиши мя, правдою Твоею изведеши отъ печали душу мою. И милостию Твоею потребиши враги моя, и погубиши вся стужающія души моей, яко азъ рабъ Твой есмь.

Услыши мя въ правдѣ Твоей Господи услыши, и не вниди въ судъ съ рабомъ Твоимъ. Духъ Твой благии наставитъ мя на землю праву.

Утренняя

**Слава, и нынѣ.**

Аллилуія, аллилуія, слава Тебѣ Боже *(3 раза, безъ поклоновъ)*.

Господи помилуй *(12 разъ)*.

**Слава, и нынѣ.**

Богъ Господь и явися намъ, благословенъ грядый во имя Господне.

*Стихъ 1.* Исповѣдайтесь Господеви, яко благо, яко въ вѣкъ милость Его.

*Стихъ 2.* Обышедше обыдоша мя, и именемъ Господнимъ противляхся имъ.

*Стихъ 3.* Не умру, но живъ буду, и повѣмъ дѣла Господня.

*Стихъ 4.* Камень, его же небрегоша зиждущи, сей бысть во главу углу. Отъ Господа бысть сей, и есть дивна во очію нашею.

*(По коемъ стихъ поемъ Богъ Господь, на прилучившійся гласъ недѣли).*

*Тропарь воскресный, гласъ 6.*

Ангельскія силы на гробѣ Твоемъ, и стрегущей отъ страха омертвѣша. И стояше Марія у гроба, ищущи пречистаго тѣла Твоего. Испроверже ада, не искушья отъ него. Срѣте Дѣву даруяи животъ, воскресъ изъ мертвыхъ, Господи слава Тебѣ *(2 раза)*.

**Слава, и нынѣ. Богородиченъ.**

Иже благословенную нареки Матерь Себѣ, прииде на страсть волею Своею, восіявъ на Крестѣ, взыскати хотя Адама, глаголя ангеломъ срадуитемся, яко обрѣтесе изгѣбшая драхма, иже вся премудрѣ устроивыи Господи слава Тебѣ.

Господи помилуй *(3 раза)*.

**Слава, и нынѣ.**

## Утренняя

### Посемъ чтемъ 3 каѳизмы .

*(Допустимо читать дома каѳизмы подрядъ, прочитывая по кругу весь Псалтырь).*

#### Каѳизма 2.

*Псаломъ 9.* Исповѣмся Тебѣ Господи всѣмъ сердцемъ моимъ, повѣмъ вся чудеса Твоя. Возрадуюся и возвеселюся о Тебѣ, пою имени Твоему Вышній. Внегда возвратится врагу моему вспять, изнемогутъ и погибнуть отъ лица Твоего. Яко сотворилъ еси судъ мой и прю мою. Сѣлъ еси на престолѣ судяи правду. Запретилъ еси языкомъ, и погѣбе нечестивый, имя его потребилъ еси въ вѣкъ и въ вѣкъ вѣка. Врагу оскудѣша оружія въ конецъ, и грады разрушилъ еси. Погѣбе память его съ шумомъ, и Господь пребываетъ во вѣки. Уготова на судъ престолъ Свой, и Той судитъ вселенней въ правду, судитъ людемъ въ правду. И бысть Господь прибѣжище убогому, помощникъ во благо время въ печалѣхъ. И да уповаютъ на Тя знающіи имя Твое, яко не оставилъ еси взыскающихъ Тя Господи. Пойте Господеви живущему въ Сионѣ, возвестите во языцѣхъ начинанія Его. Яко взыскаѣ крови ихъ помяну, не забы званія убогихъ. Помилуй мя Господи, виждь смиреніе мое отъ врагъ моихъ. Возносяи мя отъ вратъ смѣртныхъ, яко да возвѣщу вся хвалы Твоя, во вратѣхъ дщери Сионя. Возрадуюся о спасеніи Твоемъ, углѣбоша языцы въ пагубѣ, юже сотвориша. Въ сѣти сей юже скрѣта, увязе ногѣ ихъ. Знаемъ есть Господь судьбы творя, въ дѣлѣхъ руку своєю увязе грѣшникъ. Да возвратятся грѣшницы во адъ, вси языцы забывающіи Бога. Яко не до конца забвенъ будетъ нищій, терпѣніе убогихъ не погибнетъ до конца. Воскресни Господи, да не крѣпится чловѣкъ, да судятся языцы предъ Тобою. Постаѣи Господи законодавца надъ ними, да разумѣютъ языцы, яко чловѣцы суть. Вскую Господи отстоя далече, прѣзриши во благо время въ печалѣхъ. Въ гордости нечестиваго возгараетъ нищій, увязаютъ въ совѣтѣхъ, яже

## Утренняя

помышляють. Яко хвалимъ есть грѣшныи въ похотѣхъ души своея, и обидѣи благословимъ. Раздражи Господа грѣшный, по множеству гнѣва своего не взыщеть. Нѣсть Бога предъ нимъ, оскверняются путіе его на всяко время. Отъемлются судьбы Твоя отъ лица его, всѣмъ врагомъ своимъ одолѣетъ. Рече бо въ сердца своемъ, не подвижуся отъ рода в родъ безъ зла. Ему же клятвы уста его полна суть, и горести и лести, подъ языкомъ его трудъ и болѣзнь. Присѣдитъ въ лаятелехъ съ богатыми, въ тайныхъ убити неповиннаго. Очи его на нищія призираете, ловитъ въ тайныхъ, яко левъ во оградѣ своей. Ловитъ восхитити убогаго, восхитити нищаго, внегда привлещи и. Въ сѣти своей смиритъ и, преклонится и падетъ, егда удолѣетъ убогимъ. Рече бо въ сердца своемъ, забы Богъ, отвори лице свое, да не видитъ до конца. Воскресни Господи Боже мой, да вознесетъ рука Твоя, не забуди нищихъ Своихъ до конца. Чесо ради прогнѣва нечестивый Бога, рече бо въ сердца своемъ, не взыщеть. Видиши, яко Ты болѣзнь и ярость смотряеши, да преданъ будетъ въ рѣцѣ Твои. Тебѣ оставленъ есть нищія, сиру Ты буди помощникъ. Сокруши мѣщцу грѣшному и лукавому, взыщется грѣхъ его, и не обрящется. Господь царь во вѣки, и во вѣкъ вѣка, погибнете языцы Отъ земли Его. Желаніе убогихъ услышалъ еси Господи, уготовање сердца ихъ внятъ ухо Твое. Суди сиру и смирену, да не приложитъ потомъ величатися человекъ на земли.

*Псаломъ 10.* На Господа уповахъ, како речетъ души моей, превитай по горамъ яко птица. Яко се грѣшницы налякоша лукъ, уготоваша стрѣлы въ тулѣ, сострѣляти во мращѣ правыя сердцемъ. Зане яже Ты соверши, они разрушиша, праведникъ же что сотвори? Господь въ церкви святѣй Своей. Господь, на небеси престоль Его. Очи Его на нищаго призираете, вежди Его испытаете сыны человекѣскія. Господь испытаетъ праведнаго и нечестиваго, любяи же неправду, ненавидитъ свою душу. Одождитъ на грѣшники сѣти, огонь и

## Утренняя

жупель и духъ бурень, часть чаша ихъ. Яко праведенъ Господь и правду возлюбилъ, правая видѣ лице Его.

**Слава, и нынѣ.**

Аллилуія, аллилуія, слава Тебѣ Боже (*3 раза, съ поклонами*).

Господи помилуй (*3 раза*).

**Слава, и нынѣ.**

*Псаломъ 11.* Спаси мя, Господи, яко оскудѣ преподобный, яко умалишася истины отъ сыновъ человеческихъ. Суетная глагола кождо ко искреннему своему, устны лъстивыя въ сѣрдцы, и въ сѣрдцы глаголаша злая. Потребитъ Господь вся устны лъстивыя, языкъ велерѣчивъ. Рѣкшиа, языкъ нашъ возвеличимъ, устны наша при насъ суть, кто намъ Господь есть. Страсти ради нищихъ, и воздыханія убогихъ, нынѣ воскресну глаголетъ Господь. Положуся во спасеніе, и не обинуяся о немъ. Словеса Господня, словеса чисты, сребро раждѣно, искущено земли, очищено седмерицею. Ты Господи сохраниши ны, и соблюдеши ны, отъ рода сего и во вѣки. Окрестъ нечестивіи ходятъ, по высотѣ Твоей умножилъ еси сыны человеческія.

*Псаломъ 12.* Доколь Господи забудеши мя до конца, доколь отвращаеши лице Свое отъ мене. Доколь положу совѣты въ души моей, болѣзни въ сѣрдцы моемъ день и ночь. Доколь вознесетъ врагъ мой на мя, призри и услыши мя Господи Боже мой. Просвѣти очи мои, да некогда усну въ смерть, да некогда речетъ врагъ мой, укрѣпихся нань. Стужающіи ми возрадуются, аще ся подвижу, азъ же на милость Твою уповахъ. Возрадуется сердце мое, о спасеніи Твоемъ. Воспою Господеви благодарившему мнѣ, и пою имени Господню вышнему.

*Псаломъ 13.* Рече безуменъ въ сѣрдцы своемъ, нѣсть Бога. Раствѣша и омразишася въ начинаніихъ, нѣсть творяи благостыни. Господь съ небесъ приниче на сыны чело-

## Утренняя

вѣческія, видѣти аще есть разумѣваяи, или взыскаѣи Бога. Всеи уклонішася, вкупѣ неключими быша, нѣсть творѣи благостыню, нѣсть до единого. Ни ли разумѣютъ всеи дѣлающіи беззаконіе, снѣдающіи люди мой хлѣба мѣсто. Господа не призваша, тамо убояшася страха, идеже не бѣ страха. Яко Господь въ родѣ праведныхъ, совѣтъ нищаго посрамисте, Господь же упованіе его есть. Кто дастъ отъ Сіона спасеніе Израилево. Внегда возвратитъ Господь плѣненіе людей Своихъ, возрадуется Іаковъ, и возвеселится Израиль.

**Слава, и нынѣ.**

Аллилуія, аллилуія, слава Тебѣ Боже *(3 раза, съ поклонами).*

Господи помилуй *(3 раза).*

**Слава, и нынѣ.**

*Псаломъ 14.* Господи, кто обитаетъ въ жилищи Твоемъ, ли кто вселится во святу ю гору Твою. Ходѣи безъ порока, и дѣлаяи правду, глаголяи истину въ сѣрдцы своемъ, иже не ульсти языкомъ Своимъ. И не сотвори искреннему своему зла, и поношенія не пріятъ на ближніа своя. Уничижѣнъ есть предъ нимъ лукавый, боящыяжеся Господа славить. Кленыися искреннему своему, и не отметаѣся, сребра своего не дастъ въ лихву, и мзды на неповинныхъ не пріятъ. Творѣи сіа, не подвижится во вѣки.

*Псаломъ 15.* Сохрани мя Господи, яко на Тя уповахъ. Рѣхъ Господеви, Господь мой еси Ты, яко благихъ моихъ не требуеши. Святымъ иже суть на земли Его, удиви Господь вся хотѣніа Своя въ нихъ. Умножишася немощи ихъ, по сихъ ускориша. Не соберу соборы ихъ отъ кровій, ниже помяну имѣнъ ихъ устнама мойма. Господь часть достояніа моего, и чаши моея, Ты еси устрой достояніе мое мнѣ. Южа допадоша ми въ державныхъ мнѣ, ибо достояніе мое державно есть мнѣ. Благословлю Господа вразумившаго мя, еще же и до нощи показа мя утроба моя. Предзрѣхъ Господа предо мною выну,

## Утренняя

яко одесную менѣ есть, дася не подвижу. Сего ради возвеселися сердце мое, и возрадовася языкъ мой, еще же и плоть моя вселится на упованіе. Яко не оставиши душу мою во адѣ, ни даси же преподобному Своему видети истлѣнія. Сказалъ ми еси пути живота, исполниши мя веселія съ лицемъ Твоимъ, красота въ десницѣ Твоей въ конецъ.

*Псаломъ 16.* Услыши Господи правду мою, вонми моленіе мое. Внуши молитву мою, не во устнахъ льстивыхъ. Отъ лица Твоего судьба моя изыдетъ, очи мои да видятъ правоты. Искусилъ еси сердце мое, посетилъ еси нощію. Искусилъ мя еси, и не обрѣтете во мнѣ неправда. Яко да не возглаголютъ уста моя дѣлъ человѣческихъ, за словеса устенъ Твоихъ, азъ сохранихъ пути жестоки. Соверши стопы моя въ стезяхъ Твоихъ, да не подвижутся стопы моя. Азъ возвахъ яко услыша мя Боже, приклони ухо Твое мнѣ, и услыши глаголы моя. Удиви милости Твоя, спасаая уповающихъ на Тя. Отъ противящихся десницѣ Твоей, сохрани мя Господи яко зѣницу ока. Въ кровѣ крилу Твоею покрыеши мя, отъ лица нечестивыхъ острастышихъ мя. Вразі мои душу мою удержаша, тукъ свой затвориша, уста ихъ глаголаша гордыню. Изгонящии мя нынѣ обыдоша мя, очи свои возложиша уклонити на землю. Обьяша мя яко левъ готовъ на ловъ, и яко скименъ обитая въ сокровищихъ. Воскресни Господи предвари я, и запни имъ. Изми душу мою отъ нечестивыхъ, оружія Твоя отъ рукъ врагъ Твоихъ. Господи отмаль отъ земли, раздѣли я въ животѣ ихъ, и сокровенныхъ Твоихъ исполнися утроба ихъ. Насытишася сыновъ, и оставиша останки младенцемъ Своимъ. Азъ же правдою явлюся лицу Твоему. Насыщуся внегда явитмися слава Твоя.

**Слава, и нынѣ.**

Аллилуія, аллилуія, слава Тебѣ Боже *(3 раза, съ поклонами).*

Господи помилуй *(3 раза).*



## Утренняя

Слава, и нынѣ.

*Съдаленъ, гласъ 6.*

Грѣбу отвѣрсту сущу, аду плачущуся, Марія вопіяше къ скрѣвшимся апостоломъ, изыдите винограда дѣлательіе, проповѣдите воскресенія слово, воскресе Господь, подаѣ мѣрови вѣлію милость.

*Стихъ. Воскресни Господи Боже мой да вознесѣтся рука Твоя, не забуди нищихъ Своихъ до конца.*

*Повторяемъ: Грѣбу отвѣрсту сущу.*

Слава, и нынѣ. *Богородиченъ.*

Богородице Дѣво, моли Сына Своего, волею пригвождѣшагося на Крестѣ, и воскресшаго изъ мертвыхъ Христа Бога нашего, спастися душамъ нашимъ.

Господи помилуй *(3 раза).*

Слава, и нынѣ.

*Каѣзма 3.*

*Псаломъ 17.* Возлюблю Тя Господи крѣпости моя. Господь утверженіе мое, и прибѣжище мое, и избавитель мой. Богъ мой помощникъ мой, и уповаю на Него. Защититель мой, и рогъ спасенія моего, и заступникъ мой. Хвалѣя призову Господа, и отъ врагъ моихъ спасуся. Одержаша мя болѣзни смѣртныя, и потоцы беззаконія смутиша мя. Болѣзни адовы обыдоша мя, предвариша мя сѣти смѣртныя. И внегда скорбѣти ми, призвахъ Господа, и къ Богу моему возвахъ. Услыша отъ цѣркве святыя Своея гласъ мой, и вопль мой предъ Нимъ внидеть предъ очима Его. И подвижася, и трѣпетна бысть земля, и основанія горъ смутишася, и подвижася яко прогнѣвася на ня Богъ. Взыде дымъ гнѣвомъ Его, и огонь отъ лица Его воспланется, углія возгорѣшася отъ Него. И преклоні небеса и сниде, и примракъ подъ ногама Его. И взыде на херувимъ и летѣ, возлетѣ на крилу вѣтрению, и

## Утренняя

положи тму за кровъ Свой, окрестъ Его селѣніе Его, темна́ вода во облацѣхъ воздушныхъ. Отъ облистанія предъ Нимъ облацы проидоша, градъ и угліе огнено. И возгремѣ съ небесѣ Господь, и Вышній даде гласъ Свой. Пусті стрѣлы и разгна́ я, и молнія умножи, и смуті ихъ. И яви́шася источницы водніи, и откры́шася основанія вселѣнныя. Отъ запрещенія Твоего Господи, отъ дохновенія духа гнѣва Твоего. Посла́ свыше и прія́тъ мя, воспрія́тъ мя отъ водъ многъ. Избавитъ мя отъ врагъ моихъ сильныхъ и отъ ненавидящихъ мя, яко укрѣпи́шася па́че мене́. Предварі́ша мя въ день озлобленія моего, и бысть Господь утверженіе мое. И изведе́ мя на широту́, изба́витъ мя яко восхотѣ́ мя. И возда́стъ ми Господь по правдѣ́ моей, и по чистотѣ́ рѣ́ку моею́ возда́стъ ми. Яко сохрани́хъ пути Господни, и не нечѣствовахъ отъ Бога моего. Яко вся судьбы́ Его предо мною, и оправданія́ Его не отступі́ша отъ мене́. И буду непороченъ съ нимъ, и сохраню́ся отъ беззаконія́ моего. И возда́стъ ми Господь по правдѣ́ моей, и по чистотѣ́ рѣ́ку моею, предъ очима́ Его. С преподобнымъ преподобенъ будѣши, и съ мѹ́жемъ неповиннымъ неповиненъ будѣши. И со избраннымъ избранъ будѣши, и со строптивымъ разврати́шися. Яко Ты люди смиренныя спасѣши, и очи гордыхъ смириши. Яко Ты просвѣщаеши свѣтильникъ мой Господи, Боже мой, просвѣщаеши тму мою. Яко Тобою изба́влюся отъ искушенія, и о Бозѣ́ моемъ прелѣ́зу стѣ́ну. Богъ мой, непороченъ путь Его, словеса́ Господня ражде́жена, Защитительъ есть всѣмъ уповающимъ на́нъ. Яко кто Богъ, развѣ́ Господа, или кто Богъ, развѣ́ Бога нашего. Богъ препояса́ мя силою, и положи́ непороченъ путь мой. Сверша́я нозѣ́ мои яко елѣ́ни, и на высо́кихъ поставля́я мя. Науча́я рѹ́цѣ́ мои на брань, и положи́ лукъ мѣ́дьянъ мѹ́щамъ моимъ. И далъ ми еси защищеніе спасенія, и десница́ Твоя прія́тъ мя. И наказаніе́ Твое исправитъ́ мя въ конецъ, и наказаніе́ Твое то мя научитъ́. Уши́рилъ еси стопы́ моя подо

## Утренняя

мною, и не изнеможете плеснь мои. Пожену враги моя, и постигну я, и не возвращуся дондеже скончаются. Оскорблю ихъ, и не возмогутъ стати, падутъ подъ ногама мойма. И препоясалъ мя еси силою на брань, спялъ еси вся востающыя на мя подъ мя. И врагъ моихъ далъ ми еси хребетъ, и ненавидящыя мя потребилъ еси. Возвѣща, и не бѣ спасаеши, ко Господу, и не услышаше ихъ. И истню ихъ яко прахъ предъ лицемъ вѣтра, яко брѣние пути поглажду ихъ. И избави мя отъ пререканія людей, поставиши мя во главу языкомъ. Людіе ихъ же не вѣдѣхъ поработаша ми, въ слухъ уха услышаша мя. Сынове чуждіи солгаша ми, сынове чуждіи обетшаша, и охромѣша отъ стезь своихъ. Живъ Господь, и благословенъ Богъ, и вознесетъ Богъ спасенія моего. Богъ даѣи отмщеніе мне, и повиноуяи люди подъ мя, избавитель мой отъ врагъ моихъ гнѣвливыхъ. Отъ востающихъ на мя вознесѣши мя, отъ мужа неправедна избавиши мя. Сего ради исповѣмся Тебѣ въ языцѣхъ Господи, и имени Твоему пою. Величѣя спасенія царѣва, и твоѣи милость Христу Своему Давыду, и сѣмени его до вѣка.

**Слава, и нынѣ.**

Аллилуія, аллилуія, слава Тебѣ Боже *(3 раза, съ поклонами)*.

Господи помилуй *(3 раза)*.

**Слава, и нынѣ.**

**Псаломъ 18.** Небеса повѣдаютъ славу Божию, твореніе же рѣку Его возвѣщаетъ твердь. День дни отрыгаетъ глаголъ, и ночь ноци возвѣщаетъ разумъ. Не суть рѣчи ни словеса, ихъ же не слышатся гласи ихъ. Во всю землю изыде вѣщаніе ихъ, и въ концы вселенныя глаголы ихъ. Въ солнцы положи селеніе Свое, и Той яко женихъ исходѣи отъ чертога Своего. Возрадуется яко исполинъ тещи путь, отъ конца небесъ исходъ Его. И срѣтеніе Его до конца небесъ, и нѣсть иже укрѣется теплоты Его. Законъ Господень непороченъ, обращаѣи душа, свидѣтельство Господне вѣрно, умудряя младенца.

## Утренняя

Оправданія Господня прѣва, веселящая сердце, заповѣдь Господня свѣтла, просвѣщающаи очи. Страхъ Господень чистъ, пребывая въ вѣкъ вѣка, судьбы Господни истинны, оправданы вкупѣ. И вожделенны паче злата, и камене честна многа, и слаждыша паче меда и сота. Ибо рабъ Твой хранитъ ихъ, внигда сохранити ихъ, воздаяніе много. Грѣхопаденія кто разумѣтъ, отъ тайныхъ моихъ очисти мя, и отъ чуждыхъ пощади раба Твоего. Аще не удолбѣютъ ми, тогда непороченъ буду, и очищуся отъ грѣха велика. И будутъ во благоволеніе словеса устъ моихъ, и поученіе сердца моего предъ Тобою выну. Господи помощниче мой, и избавителю мой.

*Псаломъ 19.* Услышитъ тя Господь въ день печали, защититъ тя имя Бога Іаковля. Послетъ ти помощь отъ святаго, и отъ Сіона заступитъ тя. Помянетъ всяку жертву твою, и вся сожженія твоя тучна буди. Дастъ ти Господь по сердцу твоему, и весь советъ твой исполнитъ. Возрадуемся о спасеніи Твоемъ, и во имя Господа Бога нашего возвеличимся. Исполнитъ Господь вся прошенія твоя. Нынѣ познахъ яко спаслъ есть Господь Христа Своего. Услышитъ Его съ небесъ святаго Своего, въ силахъ спасеніе десница Его. Сіи на колесницахъ, и сіи на конихъ, мы же во имя Господа Бога нашего призовемъ. Тии спяти быша и падоша, мы же востахомъ и исправихомся. Господи спаси царя, и услыши ны, вонъ же день аще призовемъ Тя.

*Псаломъ 20.* Господи, силою Твоею возвеселится царь, и о спасеніи Твоемъ возрадуется зѣло. Желаніе сердца его далъ еси ему, и хотенія устнѣ его неси лишилъ его. Яко предварилъ еси его благословеніемъ благостыннымъ, положилъ еси на главѣ его вѣнецъ отъ камене честна. Живота просилъ есть у Тебѣ, и далъ еси ему долготу днѣй въ вѣкъ вѣка. Велия слава его спасеніемъ Твоимъ, славу и велелѣпіе возложилъ еси на него. Яко даши ему благословеніе въ вѣкъ вѣка, возвеселиши его радостію с лицемъ Твоимъ. Яко царь уповаетъ на Господа, и

## Утренняя

милостию Вышняго не подвижится. Обрящется рука Твоя всѣмъ врагомъ Твоимъ, десница Твоя обрящеть вся ненавидящия Тебѣ. Яко положиши ихъ яко пещь огненую, во время лица Твоего. Господь гнѣвомъ Своимъ смятѣтъ я, и снѣсть ихъ огнь. Плодъ ихъ отъ земли погубиши, и сѣмя ихъ отъ сыновъ человѣческихъ. Яко уклониша на Тя злая, помыслиша совѣты, ихъ же не возмогоша составити. Яко положиши ихъ хребѣтъ во избытцехъ своихъ, уготоваеши лице ихъ. Вознесиися Господи силою Твоею, воспоемъ и поемъ силы Твоя.

**Слава, и нынѣ.**

Аллилуія, аллилуія, слава Тебѣ Боже *(3 раза, съ поклонами)*.

Господи помилуй *(3 раза)*.

**Слава, и нынѣ.**

**Псаломъ 21.** Боже Боже мой, вонми ми, вскую остави мя, далече отъ спасенія моего, словеса грѣхопадѣнїи моихъ. Боже мой воззову во днѣхъ и не услышиши, и въ ноцїи и не въ безумїе мнѣ. Ты же во святѣмъ живѣши хвала Израилева. На Тя уповаша отцы наши, уповаша, и избавилъ еси ихъ. Къ Тебѣ возваша и спасошася, на Тя уповаша и не постыдѣшася. Азъ же есмь червь, а не человѣкъ, поношенїе человѣкомъ и униженїе людемъ. Все видящїи мя поругашамися, глаголаша устнами, покиваша главу. Упова на Господа, да избавитъ и, да спасетъ Его, яко хощетъ Его. Яко Ты еси исторгни мя изъ чрева, упованїе мое отъ сосцѣ матере моея. Къ Тебѣ привѣрженъ есмь отъ ложеснѣ, отъ чрева матере моея. Богъ мой еси Ты, не отступи отъ мене. Яко скорбь близъ, яко нѣсть помогающаго ми. Обыдоша мя тельцы мнози, юнцы тучни одержаша мя. Отверзоша на мя уста своя, яко левъ восхищаяи и рыкаяи. Яко вода излияся, и разсыпашася вся кости моя. Бысть сердце мое, яко воскъ тая посредѣ чрева моего. Изше яко скудель крѣпость моя, и языкъ мой

## Утренняя

прильпé гортáни моему, и въ пёрсть смерти свелъ мя еси. Яко обыдóша мя пси мно́зи, сонмъ лукавыхъ одержáша мя. Ископáша рúцѣ мои и нóзѣ мои, исчетóша вся кости моя. Тii же смотри́ша, и презрѣ́ша мя, раздѣли́ша рiзы моя себѣ, и о одѣ́жди моей метáша жрѣбiя. Ты же Господи не удали́ помощь Твою отъ менé, на заступлѣние мое вонми́. Изми́ отъ оружія дúшу мою, и изъ руки́ пѣсiя единорóдную мою. Спаси мя отъ устѣ львов, и отъ рогъ единорóжь смиреніе мое. Повѣмъ имя Твое брáтии моей, посредѣ́ церкве воспю́ Тя. Боящiися Господа восхва́лите и́, все сѣ́мя Иаковле, просла́вите Его. Да убойт́жеса отъ Него все сѣ́мя Израилево, яко не уничижи́ ни негодова́ молитвы ни́щаго. Ни отврати́ же лица Своего отъ мене, и егда́ возва́хъ къ Нему, услы́ша мя. Отъ Тебе похвала́ моя, въ церкви вели́цѣ исповѣ́мся Тебѣ́, молитвы моя возда́мъ предъ́ боящимися Его. Ядýтъ ни́щii и насы́тятся, и восхва́лятъ Господа възыска́ющii Его, живá будутъ сердца ихъ въ вѣ́къ вѣ́ка. Помянúтся и обрат́ятся ко Господу вси концы́ земли, и поклóнятся предъ́ Нимъ вся отечест́вія язы́къ. Яко Господне́ есть ца́рствіе, и Той облада́етъ язы́ки. Ядо́ша и поклони́шася вси тóчнии земли, предъ́ Нимъ припадúтъ вси низходя́щii въ зéмлю. И душа́ моя Тому живѣ́тъ, и сѣ́мя мое порабо́таетъ Ему. Возвестит́ Господеви родъ́ грядúщii, и возвестя́тъ правду Его людемъ́ ро́ждшимся, ихъ же сотвори́ Господь.

*Псаломъ 22.* Господь пасéтъ мя, и ничтó же мя лишítъ. На мѣстѣ́ зла́чнѣ́ тамо всели́ мя, на водѣ́ поко́йнѣ́ воспита́ мя, дúшу мою обрати́. Настáви мя на стези́ правы, и́мене ради Его. Аще́ бо и пойду́ посредѣ́ сѣ́ней смѣ́ртныхъ, не убою́ся зла, яко Ты со мною еси. Жезль Твой и пáлица Твоя та мя утѣ́шиста. Угото́валъ еси предо мно́ю трапéзу, предъ́ стужáющихъ мнѣ́. Ума́стилъ еси елѣомъ́ главу́ мою, и чаша Твоя упоява́ющи мя яко держáвна. И милость Твоя поженéтъ мя во вся дни живота моего, и всели́тимся въ домъ Господень

## Утренняя

въ долготу́ дній.

**Псаломъ 23.** Господня есть земля, и исполненіе ея, вселенная, и вси живущіи на ней. Той на морѣхъ основалъ ю есть, и на рѣкахъ уготовалъ ю есть. Кто взыдетъ на гору Господню, или кто станетъ на мѣстѣ святѣмъ Его. Неповиненъ рукама и чистъ сѣрдцемъ, иже не пріятъ на сѣ душу свою, и не клятсѣ лѣстію искреннему своему. Сей пріиметъ благословеніе отъ Господа, и милостыню отъ Бога Спаса Своего. Сей родъ ищущихъ Господа, ищущихъ лице Бога Иаковля. Возмете врата князи ваша, и возмѣтсѣ врата вѣчная, и внидетъ Царь Славы. Кто есть сей Царь Славы? Господь крѣпокъ и силенъ, Господь силенъ во брани. Возмѣте врата князи ваша, и возмѣтсѣ врата вѣчная, и внидетъ Царь Славы. Кто есть сей Царь Славы? Господь силамъ, Той есть Царь Славы.

**Слава, и нынѣ.**

Аллилуія, аллилуія, слава Тебѣ Боже *(3 раза, съ поклонами).*

Господи помилуй *(3 раза).*

**Слава, и нынѣ.**

*Съдаленъ, гласъ 6.*

Господи, предстояще гробу Твоему Марія Магдалыня и плачущи вопіяше, вертоградаря Тя мнѣши глаголаше, гдѣ положилъ еси вѣчный животъ, гдѣ скрылъ еси иже на престолѣ херувимстѣмъ сѣдяща, стрегущи бо Его, отъ страха омертвѣша, или Господа моего дадите ми, или со мною возопійте иже въ мѣртвыхъ бывъ и мѣртвыя воскресивъ Господи слава Тебѣ.

**Стихъ.** Исповѣмся Тебѣ Господи всемъ сѣрдцемъ моимъ, повѣмъ вся чудеса Твоя.

**Повторяемъ:** Господи, предстояще гробу.

**Слава, и нынѣ. Богородиченъ.**

Преднаписуеъ Гедѣонъ зачатіе, и сказуеъ Давидъ

### Утреня

рожество Твое, препѣтая Богородице Дѣво, сошедъ бо яко дождь на руно́, Слово во утрѣбу Твою́. Израсти́ла еси безъ сѣмене, Земле́ Святая, міру спасѣніе, Христа Бога нашего, Обрадованная.

### Каѳизма 17.

*По каѳизмахъ тропари (воскресны непорочны), гласъ 5.*

Благословѣнъ еси Господи, научи насъ оправданіемъ Твоимъ.

Ангельскій соборъ удивися, зря Тебѣ въ мѣртвыхъ вмѣньшася. Смѣртную же Спасе крѣпость разорша, и съ Собою Адама воздвигша, и отъ ада вся свободждьша.

Благословѣнъ еси Господи, научи насъ оправданіемъ Твоимъ.

Почто муро съ милостивыми слезами, о ученицы изливаєте, блистая на гробѣ ангелъ муриносицамъ вѣщае, видите вы гробъ тощъ и разумѣйте, Спасъ бо воскресе отъ гроба.

Благословѣнъ еси Господи, научи насъ оправданіемъ Твоимъ.

Зѣло рано муриносицы течаху на гробъ рыдающе, но предста къ нимъ ангелъ и рече, рыданію время преста, не плачители, воскресеніе же апостоломъ рците.

Благословѣнъ еси Господи, научи насъ оправданіемъ Твоимъ.

Муриносицы жены, съ муромъ пришедше, ко гробу Твоему Спасе рыдающе. Ангелу же къ нимъ вѣщающе, что съ мѣртвыми живаго помышляете, ибо яко Богъ, воскресе отъ гроба.

*Слава Отцу и Сыну и Святому Духу.*

Поклонимся Отцу, и Того Сынови, и Святому



Утреня

Духу, Святѣй Троицѣ во единомъ Существо́, съ серафимы зовуще, Святъ, Святъ, Святъ Еси, Господи.

*И нынѣ и присно и во вѣки вѣкомъ, аминь.*

Жизнода́вца ро́ждши, отъ грѣха Дѣвице Адама изба́вила еси. Радость же Еввѣ въ печали мѣсто дарова́, отъ па́дшія жизни, тѣмъ паки къ Той возво́дитъ, изъ Тебѣ воплотивыися Богъ и человѣкъ.

Аллилуія, аллилуія, слава Тебѣ Боже *(3 раза, съ поклонами).*

Господи помилуй *(3 раза).*

*Слава, и нынѣ. Ипакѡи, гласъ 6.*

Бо́льною и животво́рную Ти сме́ртію Христе Боже, врата́ а́дова сокрушивъ яко Богъ, отве́рзлъ еси намъ дре́вній рай, воскресъ изъ ме́ртвыхъ, изба́ви изъ нетлѣ́нія животъ наш.

*Антифоны, гласъ 6.*

*Антифонъ 1-й.* На́ небо о́чи мои возвожу́ къ Тебѣ Сло́ве, ущедри мя, да живу́ Ти.

Помилуй насъ униже́ныхъ, устро́яя благопотре́бныя Ти сосу́ды Сло́ве.

*Слава, и нынѣ.*

Святы́мъ Духомъ вся́ка спасе́ная вина́. Аще ко́е-муся по досто́янію дхнетъ, скоро вземлетъ отъ земныхъ, возвыша́етъ, возвраща́етъ и устро́яетъ горѣ́.

*Антифонъ 2-й.* Аще не Господь былъ бы въ насъ, ни единъ же отъ насъ проти́ву возмо́глъ бы, вра́жіимъ бра́немъ одолѣ́ти, побѣжда́ющи бо отъ здѣ́ возно́сятся.

Зубы́ ихъ да не я́та будетъ душа́ моя, яко пте́нецъ Сло́ве: увы мнѣ, како хо́щю отъ врага изба́ити, грѣхолюбивъ сыи́.

Утренняя

**Слава, и нынѣ.**

Святы́мъ Духомъ, обоже́ніе всѣмъ, благоволе́ніе и ра́зумъ, миръ и благословеніе, равномо́щень бо естъ Отцу и Слову.

*Антифонъ 3-й.* Надѣющіися на Господа, врагомъ стра́шни и всѣмъ дѣвни, горѣ́ бо зрятъ.

Въ беззако́ни рукъ Своихъ, пра́ведныхъ жре́би, помо́щника Тя имѣя Спасе, не про́струтъ.

**Слава, и нынѣ.**

Свята́го Духа держа́ва на всѣхъ, Ему же вы́шняя во́иньства поклоня́ются, со вся́кимъ дыха́ніемъ до́лнимъ.

*Передъ Евангеліемъ.*

Прокименъ, псаломъ Давыдовъ, гласъ 6-й. Господи, воздвѣгни силу Твою, и прійди да спасеши ны.

*Пѣвцы.* Господи, воздвѣгни силу Твою, и прійди да спасеши ны.

*Стихъ.* Пасыи Израиля, воньми наставляи яко овча Юсифа.

*Пѣвцы.* Господи, воздвѣгни силу Твою, и прійди да спасеши ны.

Господи, воздвѣгни силу Твою.

*Пѣвцы.* И прійди да спасеши ны.

Господи Исусе Христе Сыне Божій, помилуй насъ.

*Пѣвцы.* Аминь.

Всяко дыха́ніе да хва́литъ Господа.

*Пѣвцы.* Всяко дыха́ніе да хва́литъ Господа.

Хвалите Бога во святыхъ Его, хвалите Его во утверже́ніи силъ его.

*Пѣвцы.* Всяко дыха́ніе да хвалитъ Господа.

Всяко дыха́ніе.

## Утренняя

*Пѣвцы.* Да хвалитъ Господа.  
Господи помилуй (3 раза).

*Воскресныхъ утреннихъ Евангелійъ одинадцать, читаются чередуясь между собою, одно за другимъ. Въ другіе праздники читаются Евангелія примѣнительно къ празднуемому событію. На Утренѣ всегда читается одно Евангельское зачало. Съ Недѣль Всѣхъ Святыхъ, 1-я по Пятидесятницѣ, читается Евангеліе: (1) Мѡ. 28, 16-20; (2) Мк. 16, 1-8; (3) Мк. 16, 9-20; (4) Лк. 24, 1-12; (5) Лк. 24, 12-35; (6) Лк. 24, 36-53; (7) Іоан. 20, 1-10; (8) Іоан. 20, 11-18; (9) Іоан. 20, 19-31; (10) Іоан. 21, 1-14; (11) Іоан. 21, 15-25.*

Отъ Луки святаго Евангелія чтеніе.

*Пѣвцы.* Слава Тебѣ, Господи.

*Еванг. (6)* Во время оно, воскресъ Иисусъ отъ мѣртвыхъ, и ста посреде ученикъ Своихъ, и глагола имъ: миръ вамъ. Убо явше же ся и пристрашни бывше, мнѣху духъ видяще. И рече имъ: что смущени есте, и почто помышленія входятъ въ сердца ваша, видите рѣцѣ мои и нозѣ мои, яко Самъ Азъ есмь. Осяжите Мя и видите, яко духъ плоти и кости не имать, якоже Мя видите имуща. И се рекъ, показавъ имъ рѣцѣ и нозѣ Свои. Еще же невѣрующемъ имъ отъ радости и чюдящемся, рече имъ: имате ли что снѣдно здѣ. Они же даша Ему рыбы печеныя часть, и отъ пчелъ сотъ. И вземъ предъ ними яде. Рече же имъ: си суть словеса яже глаголахъ къ вамъ, еще съи съ вами, яко подобаетъ скончатися всѣмъ написанымъ, въ законѣ Моисеовѣ и пророцѣхъ и псалмѣхъ о Мнѣ. Тогда отвѣрзе имъ умъ, разумѣти писанія. И рече имъ, яко тако писано есть, и тако подобаше пострадаати Христу, и воскреснути отъ мѣртвыхъ въ третій день. И проповѣдатися во имя Его, покаянію и отпущенію грѣховъ, во всѣхъ языцѣхъ, наченше отъ Іеросалима. Вы же есте свидѣтели симъ. И се Азъ

### Утренняя

послю́ обѣтованіе Отца Моего на вы. Вы же съидіте во градъ Іеросалимстѣ дондеже облечѣтесе сілою свѣше. Извѣдъ же ихъ вонъ до Виѳаніи, и воздвигъ рѹцѣ Свои, и благослови ихъ. И бысть егда благословяше ихъ, отступі отъ нихъ, и возношашесе на небо. И ти поклонішася Ему, и возвратішася во Іеросалимъ с радостію великою. И бяху выну въ церкви, хваляще и благословяще Бога, аминь.

*Пѣвцы.* Слава Тебѣ, Господи.

Воскресеніе Христово видевше, поклонімся Святому Господу Іисусу единому безгрѣшному (*поклонъ*). Кресту Твоему поклоняемся Христе, и святое воскресеніе Твое поемъ и слаvimъ (*поклонъ*), Ты бо еси Богъ нашъ, развѣ бо Тебѣ ино́го не знаѣмъ, имя Твое нарицаѣмъ. Приидіте вси вѣрніи поклонімся святому Христову воскресенію, се бо прииде Крестá ради радость всему міру (*поклонъ*). Всегда благословимъ Господа, и поемъ воскресеніе Его, распятіе бо претерпѣ, и смѣртію смерть разруши́.

*Псаломъ 50.* Помилуй мя Боже, по велицѣй милости Твоей. И по множеству щедротъ Твоихъ, очисти беззаконіе мое. Наипаче омый мя отъ беззаконія моего, и отъ грѣха моего очисти мя. Яко беззаконіе мое азъ знаю, и грѣхъ мой предо мною есть выну. Тебѣ Единому согрѣшихъ, и лукавое предъ Тобою сотворихъ. Яко да оправдишия въ словесѣхъ Своихъ, и побѣдиши вьнегда судити. Се бо въ беззаконіихъ зачатъ есмь, и во грѣсѣхъ роди мя мати моя. Се бо истину возлюбилъ еси, безвѣстная и тайная премудрости Твоея явилъ ми еси. Окропиши мя иссопомъ и очищуся, омыеши мя, и паче снѣга убѣлюся. Слуху моему да́си радость и

### Утренняя

веселіе, возрадуются кости смиренныя. Отврати лице Твое отъ грѣхъ моихъ, и вся беззаконія моя очисти. Сердце чисто созижди во мнѣ Боже, и духъ правъ обнови во утробѣ моей. Не отвержи мене отъ лица Твоего, и Духа Твоего Святаго не отими отъ мене. Воздаждь ми радость спасенія Твоего, и духомъ владычнымъ утверди мя. Научу беззаконныя путемъ Твоимъ, и нечестивіи къ Тебѣ обратятся. Избави мя отъ кровій Боже, Боже спасенія моего, возрадуется языкъ мой правдѣ Твоей. Господи, устнѣ мои отверзеши, и уста моя возвестятъ хвалу Твою. Яко аще бы восхотѣлъ жертвы, далъ быхъ убо, всесоженія не благоволиши. Жертва Богу духъ сокрушенъ, сердце сокрушено и смирено, Богъ не унижитъ. Ублажи Господи благоволеніемъ Твоимъ Сиона, и да созиждутся стѣны іерусалимскія. Тогда благоволиши жертву правдѣ, возношеніе и всесожегаемая. Тогда возложатъ на олтарь Твой тельца.

**Слава Отцу и Сыну и Святому Духу.**

Молитвъ ради апостолъ, Милостиве очисти множество согрѣшеніи нашихъ.

**И нынѣ и присно и во вѣки вѣкомъ, аминь.**

Молитвъ ради Богородицы, Милостиве очисти множество согрѣшеніи нашихъ.

Помилуй мя Боже, по величѣй милости Твоей, по многимъ щедротамъ Твоимъ очисти беззаконія моя, Боже Спасе мой.

Воскресъ Исусъ отъ гроба, якоже проречѣ, и дарова намъ животъ вѣчный, миръ и велию милость.

Господи помилуй *(12 разъ, и 3 поклона въ началѣ пѣнія).*

Господи Исусе Христе Сыне Божій, помилуй

Утренняя

насъ.

*Пѣвцы.* АМИНЬ.

*Посемъ:*

***Каноны Воскресные***

*Читаются три канона по гласу недѣли: воскресный, крестовоскресный и Пресвятый Богородицы. Если кто не знаетъ гласъ недѣли, читаетъ канонъ 6-го гласа.*

*Послѣ 8-й пѣсни канона:* Хва́лимъ, благословимъ, клáняемъ Господеви, поёмъ и превозно́сим Его во́ вѣки.

*Катавасія.* Отроки благочесті́выя въ пещи́ рожество́ Богороди́чо спасло́ есть, тогда убо образу́емо, нынѣ же дѣ́йствуемо, вселѣ́нную всю воздвѣ́же пѣ́ти, Господа воспѣ́вайте дѣ́ла и превозно́сите Его во́ вѣки (*поклонѣ*).

*Посемъ, Пѣснь Богородицы.*

Вели́читъ душа́ моя Господа, и возра́довася духъ мой о Бозѣ́ Спа́се моемъ.

*Послѣ этого и каждаго слѣдующаго стиха поется:*

Честнѣ́йшую Херувимъ и сла́внѣйшую воистину Серафимъ, безъ ислѣ́нія Бога Сло́ва рожды́шую, су́щую Богородицу Тя величаемъ (*поклонѣ*).

Яко призрѣ́ на смире́ніе рабы Своея́, се бо отъ нынѣ́ блажа́тъ мя вси ро́ди.

Яко сотвори́ Мнѣ́ вели́чіе Си́льный, и свя́то имя Его, и милость Его въ родъ и родъ на боя́щихся Его.

Сотвори́ держа́ву мы́шцею Свое́ю, расточи́ гордыя мы́сли сердца́ ихъ.

Низложи́ сильныя со престолѣ́, и вознесе́ смиренныя. Алчущыя исполни́ благъ, и богаты́я отпусти́ тща.

Восприя́тъ Изра́иля о́трока Своего, помяну́ти

Утреня

милости, якоже глагола ко отцемъ нашимъ, Аврааму и сѣмени его до вѣка.

*Посемъ, 9-я пѣсня канона.*

*Задостойникъ*

Досто́йно есть яко воистину блажити Тя Богородице, Присноблаженную и Пренепорочную и Матерь Бога нашего. Честнѣйшую Херувимъ и славнѣйшую воистину Серафимъ, безъ ислѣвнїя Бога Слова рождшую, сущую Богородицу Тя величаемъ (*поклонъ до земли*).

Господи помилуй (*3 раза*).

**Слава, и нынѣ.**

Святъ Господь Богъ нашъ.

*Пѣвцы.* Святъ Господь Богъ нашъ (*на гласъ недѣли*).

Яко святъ Господь Богъ нашъ.

*Пѣвцы.* Святъ Господь Богъ нашъ.

Надо всѣми людьми́ Богъ нашъ.

*Пѣвцы.* Святъ Господь Богъ нашъ.

*Свѣтиленъ*

Показа́ся Спа́се еси яко человекъ по существу́, посредѣ ставъ, воскресе́ отъ гроба, и пищу совкусивъ, уча́ше крещенію покая́нїя, а́бїе же къ Небесному вознесе́ся Отцу, и ученико́мъ послати Утѣшителя обеща́ся, Пребожествене Человѣколюбче, слава Твоему воста́нїю.

**Слава, и нынѣ. Богородиченъ.**

Отѣческихъ не оста́вь недръ, аще и воплотїся отъ Дѣвы Господь. Ибо да спасе́ши мене́ па́дшаго, прекло́нь небеса и снїде, исхїтїти мя хотя́ отъ устъ звѣря мы́сленаго, того мя плѣнїцами одержїма, тѣмъ избавлься прославляю Сло́ве Твою́ силу.

*Псаломъ 148.* Хвалїте Господа съ небесъ, хвалїте

### Утренняя

Его въ вы́шнихъ. Хвалите Его вси ангели Его, хвалите Его вся силы Его. Хвалите Его солнце и луна, хвалите Его вся звѣзды и свѣтъ. Хвалите Его небеса́ небесъ, и вода яже превыше небесъ, да восхва́лятъ имя Господне. Яко Той рече́, и быша, Той повеле́ и созда́шася. Поста́ви я въ вѣкъ и въ вѣкъ вѣка, повелѣ́нїе положи́ и не мимо́ идетъ. Хвалите Господа отъ земли, змїеве и вся бѣздны. Огнь, градъ, снѣгъ, гóлоть, духъ бѹренъ, творя́щая слово Его. Гóры и вси хóлми, древа́ плодоносна, и вси кѣдри. Звѣ́ріе, и вси скóти, га́ди и птицы перна́ты. Царіе зѣмстїи, и вси лю́діе, князи и вси сѹдіи зѣмстїи. Юноши и дѣвы, старцы со юнотами, да восхва́лятъ имя Господне. Яко вознесѣ́ся имя Того Едінаго. Исповѣ́даніе Его на земли́ и на небесї, и вознесѣ́тъ рогъ людей Своихъ. Пѣснь всѣмъ преподобнымъ Его, сыновомъ израилевомъ, людемъ приближа́ющимся Емъ.

*Псаломъ 149.* Воспойте Господеву пѣснь но́ву, хвалѣніе Его въ церкви преподобныхъ. Да возвеселїтся Израиль о сотворшемъ его, и сынове Сїо́ни, возра́дуются о царї своемъ. Да восхва́лятъ имя Его в лицѣ, въ тимпанѣ и псалтыри да пою́тъ Ему. Яко благоволи́тъ Господь въ лю́дѣхъ своихъ, и вознесѣ́тъ крóткія во спасѣніе. Восхва́лятся преподобніи во славѣ, и возра́дуются на лóжихъ своихъ. Возношенїя Божїя въ гортани ихъ, и мечї обою́ду остры въ рукахъ ихъ. Сотвори́ти отмщѣніе во языцѣхъ, обличѣніе въ лю́дѣхъ. Связа́ти царя́ ихъ пúты, и сла́вныя ихъ ручными окóвы желѣзными.

*Стихъ на 6.* Сотвори́ти въ нихъ судъ написанъ, слава си есть всѣмъ преподобнымъ Его.

*Стихъры, гласъ 6.*



Утренняя

Крестъ твой Господи, жизнь и воскресеніе людемъ Твоимъ есть, и нань надѣющеса, Тебѣ воскресшаго Бога нашего поемъ, помилуй насъ.

**Псаломъ 150. Хвалите Бога во святыхъ Его, хвалите Его во утверженіи силъ его.**

Погребеніе Твое, Владыко, рай отворзе роду человѣческому и отъ тли избавльшеса, Тебѣ воскресшаго Бога нашего поемъ, помилуй насъ.

**Стихъ на 4. Хвалите Его на силахъ Его, хвалите Его по премно́гому вели́честву Его.**

Со Отцемъ и Духомъ Христа воспоемъ, воскресшаго изъ мѣртвыхъ и къ Нему возопіемъ, Ты еси жизнь наша и воскресеніе, помилуй насъ.

**Хвалите Его во гласѣ трубнемъ, хвалите Его во псалтыри и гу́слѣхъ.**

Тридневно воскреслъ еси Христе изъ гроба, яко же есть писано, и совоскресивъ прадѣда нашего, сего ради Тя славитъ родъ человѣческой, и поемъ Твое воскресеніе.

**Хвалите Его въ тимпанѣ и лицѣ, хвалите Его во струнахъ и органѣхъ.**

Господи, велико и страшно есть Твоего воскресенія таинство, тако бо пройде изъ гроба, яко же-нихъ отъ чертога, смѣртю смерть разруши, да Адама свободиши, Тѣмже на небесѣхъ ангели ликуютъ, и на земли человѣцы славятъ, еже на насъ бывшее милосердіе Твое Человѣколюбче.

**Хвалите Его въ кимвалѣхъ dobroгласныхъ, хвалите Его въ кимвалѣхъ восклицанія. Всяко дыханіе да хвалитъ Господа.**

О, беззаконіи іудее, гдѣ суть печати и сребреницы, ихъ же дасте воиномъ, не украдено бысть Сокровище, но воскресе яко силенъ, сами же пос-

### Утреня

рамыстеса, отвѣргшеса Христа Господа славы, пострадавшаго и погребѣна, и воскресша изъ мертвыхъ, Тому поклонимся.

*Стихъ воскресный. Воскресни́ Господи Боже мой да вознесѣтся рука Твоя, не забуди нищихъ своихъ до конца.*

Запечатлѣнну гробу, како окрадени бысте юдее, стражи приставльше, и знаменія положившее, дверемъ затворѣномъ, пройде Царь, или яко мѣртва представите, или яко Богу поклонитеса, съ нами поюще, слава Господи Кресту Твоему и воскресенію.

*Исповѣмся Тебѣ Господи всемъ сердцемъ моимъ, повѣмъ вся чудеса Твоя.*

Живопріятнаго гроба, муроносицы жены рыдающе достигоша Господи, и муро носяще, тѣло Твое пречистое помазати искаху, обрѣтше же свѣтоносна ангела, на камени сѣдяща, и къ нимъ вѣщающа и глаголюща, что слезите иже изъ ребръ источившаго мірови жизнь, что ищите яко мѣртва во гробѣ Безсмертнаго, шѣдше же паче, возвестите Того ученикомъ, славное Его воскресеніе, всемірное радованіе, имъ же и насъ Спасе просвѣтивъ, даруй очищеніе и велию милость.

*Слава. Стихъра Евангельская, гласъ той же.*

Воистину миръ Ты еси Христе, къ чловѣкомъ Божій миръ Свой подавая, по воскресеніи ученикомъ, пристрашны показалъ еси ихъ, мнящимъ духъ видѣти, но растилашеса мятежъ ихъ, показавъ рѣцѣ и нозѣ Свой. Обаче невѣрующимъ имъ еще, и брашна причащеніемъ, и ученіи воспоминаніемъ, отвѣрзлъ еси имъ умъ, разумѣти писанія, имъ же и отеческое обѣтованіе обѣщавъ, и

### Утренняя

благословивъ ихъ взыде на небо, Тѣмже съ ними поклоняемтиса, Господи слава Тебѣ.

#### И нынѣ. Глас 2.

Преблагословена еси Богородице Дѣво, воплощшимбоя изъ Тебѣ, адъ плѣнися, Адамъ призвася, клятва потребиса, и Евва свободиса, смерть умертвися, и мы ожихомъ, тѣмъ поюще возопіемъ, благословенъ Богъ нашъ, изволивый тако.

Слава показавшему намъ свѣтъ.

#### Славословіе Великое

Слава въ вышнихъ Богу, и на земли миръ, въ человецехъ благоволеніе. Хвалимъ Тя, благословимъ Тя (*поклонъ*), кланяемтиса, славословимъ Тя (*поклонъ*), благодаримъ Тя великія ради славы Твоея (*поклонъ*). Господи Царю Небесный, Боже Отче Вседержителю, и Господи Сыне Единородный Иисусе Христе, и Святыи Душе. Господи Боже агньче Божий Сыне Отечъ, вземляи грѣхи міра, помилуй насъ. Вземляи грѣхи міра, пріими молитвы наша. Седяи одесную Отца, помилуй насъ. Яко Ты единъ Святъ, Ты единъ Господь Иисусъ Христосъ, въ славу Богу Отцу, аминь.

На всякъ день благословимъ Тя, и восхвалимъ имя Твое во вѣки, и въ вѣкъ вѣка.

Сподоби Господи въ день сей безъ грѣха сохранитиса намъ. Благословенъ еси Господи Боже отецъ нашихъ. И хвально и прославлено имя Твое во вѣки, аминь.

Буди Господи милость Твоя на насъ, якоже уповахомъ на Тя, благословенъ еси Господи, научи насъ оправданіемъ Твоимъ. Благословенъ еси Владыко, вразуми насъ оправданіемъ Твоимъ. Благословенъ еси Святый, просвѣти насъ оправ-

## Утренняя

даніемъ Твоимъ.

Господи прибѣжище бысть намъ въ родъ и родъ. Азь рѣхъ, Господи помилуй мя, и исцѣли́ ду́шу мою, яко согрѣшихъ Тебѣ. Господи къ Тебѣ прибѣго́хъ, научи мя творити волю Твою, яко Ты еси Богъ мой. Яко отъ тебѣ есть исто́чникъ живота́. Во свѣте Твоемъ у́зримъ Свѣтъ. Пробави милость Твою вѣдущимъ Тя.

Святы́й Боже, святы́й Крѣпкі́й, святы́й Безсмертны́й, помилуй нас *(3 раза безъ поклоновъ)*.

**Слава, и нынѣ.** Святы́й Безсмертны́й, помилуй насъ.

Святы́й Боже, святы́й Крѣпкі́й, святы́й Безсмертны́й, помилуй насъ.

Господи Исусе Христе Сыне Божій, помилуй насъ.

*Пѣвцы.* Аминь.

### *Тропарь воскресный*

Воскрѣсь из гроба, у́зы растерза́в, разруши́ль еси Господи смерти осужде́ніе, и вся отъ сме́рти непріязненныя изба́вль, яви Себе апостоломъ Своимъ, и посла́вь ихъ на проповѣдь, и тѣми миръ Свой по́далъ еси вселѣнней, Едине Многомилостиве.

Господи помилуй *(40 разъ, вначалѣ пѣнія 3 поклона)*.

**Слава, и нынѣ.**

Господи помилуй *(12 разъ)*.

**Слава, и нынѣ.**

Господи Исусе Христе Сыне Божій, помилуй насъ.

*Пѣвцы.* Аминь.

Утверди́ Боже вѣру христія́нскую, соблюди́ Господи и помилуй благовѣрнаго Царя великаго

## Утренняя

князя (*имярекъ*), и благовѣрную царицу великую княгиню (*имярекъ*), спаси Господи, Архіепископа нашего (*имярекъ*). И отцевъ нашихъ духовныхъ. И вся православные христіяны, Господи спаси.

Честнѣйшую Херувимъ (*поклонъ*).

Слава (*поклонъ*), И нынѣ (*поклонъ*).

Господи помилуй, Господи помилуй. Господи благослови (*поклонъ*).

*Отпустъ Утрени.* Воскресѣи изъ мѣртвыхъ, Господи Иисусе Христе, Сыне Божій, молитвъ ради Пречистыя Твоея Матере, силою честнаго и животворящаго Креста, святыхъ славныхъ и всехвалъныхъ апостолъ, и святаго (*его же есть день*), и всѣхъ ради святыхъ, помилуй и спаси насъ, яко Благ и Человѣколюбець. Аминь.

## ЧАСЪ ПЕРВЫЙ

Приидите поклонимся Царевѣ нашему Богу (*поклонъ*).  
Приидите поклонимся Христу Царевѣ и Богу нашему (*поклонъ*).  
Приидите поклонимся и припадемъ къ Самому Господу Иисусу Христу, Царевѣ и Богу нашему (*поклонъ*).

*Псаломъ 5.* Глаголы моя внуши Господи, разумѣй званіе мое. Вонми гласъ молитвы моея, царю мой и Боже мой. Яко къ Тебѣ помолюся Господи, заутра услыши гласъ мой. Заутра предстану Ти и узриши мя, яко Богъ не хотяи беззаконіе, Ты еси. Не приидетъ къ Тебѣ лукавнуяи, ни пребудутъ же законопреступницы предъ очима Твоима. Возненавидѣлъ еси вся творящыя беззаконіе, погубиши вся глаголющыя лжу. Мужа крѣви и льстива гнушается Господь. Азъ же множествомъ милости

## Часть Первый

Твоя, вниду въ домъ Твой, поклонюся къ церкви святѣй Твоей въ страсѣ Твоемъ. Господи, настави мя правдою Твоею, врагъ моихъ ради, исправи предъ Собою путь мой. Яко нѣсть во устѣхъ ихъ истины, сердце ихъ суетно. Гробъ отверстъ гортань ихъ, языки Своими льщаху, суди имъ Боже. Да отпадуть отъ мыслей Своихъ, по множеству нечестія ихъ изрини я, яко прогнѣваша Тя Господи. И возвеселятся вси уповающіи на Тя, во вѣки возрадуются, и вселишися въ нихъ. И похвалятся о Тебѣ любящии имя Твое, яко Ты благословиши праведника. Господи, яко оружіемъ благоволенія вѣнчалъ еси насъ.

*Псаломъ 89.* Господи прибѣжище бысть намъ въ родъ и родъ. Прѣжде даже горамъ не быти, и создатися земли и вселенней, отъ вѣка и до вѣка Ты еси. Не возврати челоуѣка во смиреніе. И рекль еси, обратитесь сынове челоуѣчестіи. Яко тысяща лѣтъ предъ очима Твоима Господи, яко день вчерашній, иже мимо иде, и стража ношная. Уничженія ихъ еще будутъ. Утро яко трава мимо идетъ, утро процвѣтетъ и прейдетъ, на вечер отпадѣтъ, ожестѣетъ и исхнетъ. Яко исчезохомъ гнѣвомъ Твоимъ, и яростію Твоею смутихомся. Положилъ еси беззаконія наша предъ собою, вѣкъ нашъ въ просвѣщеніе лица Твоего. Яко вси дніе наши оскудѣша, и гнѣвомъ Твоимъ исчезохомъ. Лѣта наша яко паучіна паучахуся, дніе лѣтъ нашихъ, въ нихъ же седьдесятъ лѣтъ. Аще ли же въ силахъ осьдесятъ лѣтъ, и множае ихъ трудъ и болѣзнь. Яко прииде кротость на ны, и накажемся. Кто свѣсть державу гнѣва Твоего, и отъ страха Твоего ярость Твою исчесті. Десницу

## Часть Первый

Твою тако скажи ми, и окованныя сердцемъ въ мудрости. Обрати Господи доколѣ, и умоленъ буди на рабы Своя. Исполнихомся заутра милости Твоея Господи, и возрадовахомся и возвеселихомся. Во вся дни наша возвеселихомся, за дни въ ня же смирилъ ны еси, и въ лѣта въ ня же видѣхомъ злая. И призри на рабы Своя, и на дѣла Твоя, и настави сыны ихъ. И буди свѣтлость Господа Бога нашего на насъ, и дѣла рукъ нашихъ исправи на насъ, и дѣла рукъ нашихъ исправи.

*Псаломъ 100.* Милость и судъ воспою Тебѣ Господи. Пою и разумѣю въ пути непорочнѣ, когда приидеши ко мнѣ. Прехождяхъ въ незлобii сердца моего посредѣ дому моего. Не предлагяхъ предъ очима мойма, вещь законопреступну. Творящия преступленіе возненавидѣхъ. Не прильпе мнѣ сердце лукаво, уклоняющагося отъ мене лукаваго не познахъ. Оклеветашаго тай искренняго своего, сего изгоняхъ. Гордымъ окомъ и несытымъ сердцемъ, съ симъ не ядахъ. Очи мои на вѣрныя земли, посаждати ихъ съ собою. Ходяи по пути непорочну сей ми служаше, не живяше посредѣ дому моего, творяи гордыню. Глаголяи неправедная, не исправляше предъ очима мойма. Во утрія избивахъ вся грѣшныя земли, потребити отъ града Господня, вся дѣлающія беззаконіе.

**Слава, и нынѣ.**

Аллилуія, аллилуія, слава Тебѣ Боже *(3 раза съ поклонами).*

Господи помилуй *(3 раза).*

**Слава Отцу и Сыну и Святому Духу.**

## Часть Первый

### *Тропарь воскресный, гласъ 6.*

Ангельскія силы на гробъ Твоемъ, и стрегущеи о́тъ страха омертвѣша. И стояше Марія у гроба, ищущи пречистаго тѣла Твоего. Испроверже ада, не иску́шься отъ него. Срѣте Дѣву даруяи животъ, воскресъ изъ мертвыхъ, Господи слава Тебѣ.

### **И нынѣ и присно и во вѣки вѣкомъ, аминь.**

Что Тя наречѣмъ, о Обра́дованная, небо, яко возсіяла еси солнце правдѣ. Рай, яко возрастѣла еси цвѣтъ нетлѣнія. Дѣву, яко пребыла еси нетлѣнна Чистая. Матерь, яко имѣла еси на руку́ Сына, всѣхъ Бога. Того моли спастися душамъ нашимъ.

Стопы́ моя напра́ви по словеси́ Твоему, и да не одолѣетъ ми всяко беззаконіе, избави мя отъ клеветы́ человѣческія, и сохраню за́повѣди Твоя. Лице́ Твое просвѣти́ на раба Твоего, и научи мя оправданіемъ Твоимъ.

Да исполняются уста́ моя похвалы́, яко да воспою славу Твою, весь день велелѣпоту Твою.

*Трисвятое, по* Отче нашъ.

Господи Исусе Христе Сыне Божій, помилуй насъ. Аминь.

### *Кондакъ воскресный, гласъ 6.*

Живоначалною дланію, умершихъ отъ мрачныхъ удолій, жизнедавецъ воскресивъ всѣхъ Христосъ Богъ, воскресеніе даровавъ человѣческому роду. Есть бо всѣхъ Спаситель и воскресеніе и животъ, и Богъ всяческимъ.

Господи помилуй *(40 разъ)*.

Иже на всяко время и на всякъ часъ на небеси и на земли́, поклоняемыи и славимыи. Боже благіи, долготерпѣливе и многомилостиве, иже правед-



### Часть Первый

ники любя, и грѣшныхъ мѣлуя, иже всѣхъ зовѣи ко спасенію, обѣщанія ради будущихъ благъ. Самъ Господи, прїимѣ молитвы наша въ часъ сей, и въ благодисти исправи животъ нашъ къ заповѣдемъ Твоимъ, душа наша освяти и тѣлесá очисти, помышленія исправи и мысли очисти, разумъ уцѣломудри и истрезви, и избави насъ отъ всякія скорби, золь и болѣзней и душевныхъ страстей, и огради насъ святыми ангелы Твоими, яко да ополченіемъ ихъ соблюдаеми и наставляеми, достигнемъ во единство вѣры, и въ разумъ неприкосновенныя Ти славы, яко благословенъ еси во вѣки, аминь.

Господи помилуй *(3 раза)*.

**Слава, и нынѣ.**

Честнѣйшую Херувимъ. *(поклонъ)*.

Господи помилуй *(дважды)*, Господи благослови.

За молитвъ святыхъ Отецъ нашихъ, Господи Иисусе Христе Сыне Божій, помилуй насъ. Аминь.

#### *Молитва*

Христе свѣте истинный, иже просвѣщая и освещая всякаго чловѣка грядущаго въ мѣръ. Да знаменается на насъ свѣтъ лица Твоего Господи, яко да въ немъ ходяще узримъ Свѣтъ неприкосновенныя Ти славы. Исправи стопы наша къ дѣланію заповѣдей Твоихъ, молитвами Пречистыя Ти Матере, и всѣхъ святыхъ Твоихъ, яко благословенъ еси во вѣки, аминь.

### ЧАСЪ ТРЕТІЙ

За молитвъ святыхъ Отецъ нашихъ Господи Иисусе Христе Сыне Божій, помилуй насъ. Аминь.

Часть Третій

Царю Небесный, *Трисвятое, по* Отче нашъ.

Господи Исусе Христе Сыне Божій, помилуй насъ. Аминь.

Господи помилуй (*12 разъ*).

*Слава, и нынѣ.*

Приидите поклонимся (*трижды съ поклонами*).

*Псаломъ 16.* Услыши, Господи, правду мою, вонми моленіе мое. Внуши молитву мою, не во устнахъ льстивыхъ. Отъ лица Твоего судьба моя изыдетъ, очи мои да видятъ правоты. Искусилъ еси сердце мое, посѣтилъ еси нощію, искусилъ мя еси, и не обрѣтетеся во мнѣ неправда. Яко да не возглаголютъ уста моя дѣлъ человѣческихъ, за словеса устенъ Твоихъ, азъ сохранихъ пути жестоки. Соверши стопы моя во стезяхъ Твоихъ, да не подвижутся стопы моя. Азъ возвахъ яко услыша мя, Боже, приклони ухо Твое ко мнѣ, и услыши глаголы моя. Удиви милости Твоя, спасаая уповающихъ на Тя. Отъ противящихся десницъ Твоей, сохрани мя, Господи, яко зеницу ока. Въ кровѣ крилу Твоею покрыеши мя, отъ лица нечестивыхъ острастышихъ мя. Врази мои душу мою удержаша, тукъ свой затвориша, уста ихъ глаголаша гордыню. Изгонящій мя нынѣ обыдоша мя, очи свои возложиша уклонити на землю. Объяша мя яко левъ готовъ на ловъ, и яко скимень обитая въ сокровищихъ. Воскресни, Господи, предвари я, и загни имъ, изми душу мою отъ нечестивыхъ, оружія Твоя отъ рукъ врагъ Твоихъ. Господи, отмажь отъ земли, раздѣли я въ животѣ ихъ, и сокровенныхъ Твоихъ исполнися утроба ихъ. Насытятся сыновъ, и оставиша останки младенцемъ Своимъ. Азъ же правдою явлюся лицу Твоему,

### Часть Третій

насыщуся ввѣгда́ явѣтмися слава Твоя.

*Псаломъ 24.* Къ Тебѣ, Господи, воздвигохъ дѹшу мою, Боже мой, на Тя уповахъ, да не постыжѹся во́ вѣки. Ни посмѣютмися врази́ мои ꙗко вси терпящїи Тя не постыдѣтся. Да постыдѣтся беззаконнующїи всѹе. Пути Твоя, Господи, скажи ми, и стезямъ Твоимъ научи мя. Настави мя на истину Твою, и научи мя, яко Ты еси Богъ Спасъ мой, и Тебѣ терпѣхъ весь день. Помяни́ щедроты Твоя, Господи, и милости Твоя, яко отъ вѣка суть. Грѣхъ юности моея́ и невѣжества моего не помяни́, по милости Твоей помяни́ мя Ты, ради благости Твоея́, Господи. Благъ и правъ Господь, сего ради законъ положитъ согрѣшающимъ на пути. Наставитъ кроткія на судъ, и научитъ кроткія путемъ Своимъ. Все путіе́ Господни милость и истина, взыскающимъ завета́ Его и свидѣнія Его. Ради́ имене Твоего, Господи, очисти грѣхъ мой, много́ бо есть. Кто есть человекъ бояся́ Господа, законъ положитъ Ему на пути, иже изволи. Душа́ его во благихъ водворится, и сѣмя его наслѣдитъ землю. Держава Господь боящимся́ Его, и заветъ Его явитъ имъ. Очи мои́ выну ко Господу, яко Той исторгнетъ отъ сѣти нозѣ мои. Призри на мя и помилуй мя, яко единородъ и нищъ есмь азъ. Скорби́ сердца моего умножишася, и отъ бѣды́ моихъ изведи́ мя. Видь смиреніе мое и трудъ мой, и отпусти́ вся грѣхи моя. Видь враги моя, яко умножишася, и ненавидѣніемъ неправеднымъ возненавидѣша мя. Сохрани́ дѹшу мою, и избави́ мя, да не постыжѹся яко уповахъ на Тя. Незлобїи и правїи прилѣпляхуся мнѣ, яко потерпѣхъ Тя, Господи. Избави́, Боже, Израїля отъ всѣхъ

### Часть Третій

скорбій его.

*Псаломъ 50.* Помилуй мя Боже, по велицѣй милости Твоей. И по множеству щедротъ Твоихъ, очисти беззаконіе мое. Наипаче омой мя отъ беззаконія моего, и отъ грѣха моего очисти мя. Яко беззаконіе мое азъ знаю, и грѣхъ мой предо мною есть выну. Тебѣ Единому согрѣшихъ, и лукавое предъ Тобою сотворихъ. Яко да оправдишия въ словесѣхъ Своихъ, и побѣдиши внегда судити. Се бо въ беззаконіихъ зачатъ есмь, и во грѣсѣхъ роди мя мати моя. Се бо истину возлюбилъ еси, безвѣстная и тайная премудрости Твоея явилъ ми еси. Окропиши мя иссопомъ и очищуся, омыеши мя, и паче снѣга убѣлюся. Слуху моему даши радость и веселіе, возрадуются кости смиренныя. Отврати лице Твое отъ грѣхъ моихъ, и вся беззаконія моя очисти. Сердце чисто созижди во мнѣ Боже, и духъ правъ обнови во утробѣ моей. Не отвержи мене отъ лица Твоего, и Духа Твоего Святаго не отими отъ мене. Воздаждь ми радость спасенія Твоего, и духомъ владычнымъ утверди мя. Научу беззаконныя путемъ Твоимъ, и нечестивіи къ Тебѣ обратятся. Избави мя отъ кровій Боже, Боже спасенія моего, возрадуется языкъ мой правдѣ Твоей. Господи, устнѣ мои отвѣрзеши, и уста моя возвестятъ хвалу Твою. Яко аще бы восхотѣлъ жертвѣ, далъ быхъ убо, всесожженія не благоволиши. Жертва Богу духъ сокрушенъ, сердце сокрушено и смирено, Богъ не унижитъ. Ублажи Господи благоволеніемъ Твоимъ Сіона, и да созиждутся стѣны іерусалимскія. Тогда благоволиши жертву правдѣ, возношеніе и всесожегаемая. Тогда возложатъ на олтарь Твой тельца.

Часть Третій

**Слава, и нынѣ.**

Аллилуія, аллилуія, слава Тебѣ, Боже *(3 раза съ поклонами)*.

Господи помилуй *(3 раза)*.

**Слава Отцу и Сыну и Святому Духу.**

*Тропарь воскресный, гласъ 6.*

Ангельскія силы на гробѣ Твоемъ, и стрегущеи о́тъ страха омертвѣша. И стояше Марія у гроба, ищущи пречистаго тѣла Твоего. Испроверже ада, не иску́шься о́тъ него. Срѣте Дѣву даруяи животь, воскресъ изъ мертвыхъ, Господи слава Тебѣ.

**И нынѣ, и присно, и во́ вѣки вѣкомъ, аминь.**

Богородице, Ты еси лоза и́стинная, возрастѣвшая намъ плодъ живо́тный, Тебѣ мо́лимся, молися, Владычице, со святыми апостолы, помѣловатися душамъ нашимъ.

Господь Богъ благословенъ, благословенъ Господь день дне, поспѣшитъ намъ Богъ спасеніи нашихъ, Богъ нашъ, Богъ спаса́ти.

*Трисвятое, по* Отче нашъ.

Господи Исусе Христе Сыне Божій, помилуй насъ. Аминь.

*Кондакъ воскресный, гласъ 6.*

Живоначалною длáнию, умѣршихъ о́тъ мрачныхъ удо́лій, жизнедавецъ воскресивъ всѣхъ Христосъ Богъ, воскресеніе даровавъ чело́вѣческому роду. Есть бо всѣхъ Спаситель и воскресеніе и животь, и Богъ всяческимъ.

Господи помилуй *(40 разъ)*.

Иже на всяко время и на всякъ часъ на небеси и на землі, поклоня́емыи и славимыи. Боже благіи, долготерпѣ́ливе и многомѣ́лостиве, иже праведники любя́, и грѣшныхъ мѣ́луя, иже всѣхъ зовы́и

### Часть Третій

ко спасенію, обѣщанія ради будущихъ благъ. Самъ Господи, пріими молитвы наша въ часъ сей, и въ благодати исправи животъ нашъ къ заповѣдемъ Твоимъ, душа́ наша освяти́ и тѣлесá очисти, помышленія исправи́ и мысли очисти, разумъ уцѣломудри́ и истрезви́, и избави насъ отъ всякія скорби, золь и болѣзней и душевныхъ страстей, и огради насъ святыми ангелы Твоими, яко да ополченіемъ ихъ соблюда́еми и наставля́еми, достигнемъ во единство вѣры, и въ разумъ неприкосновенныя Ти славы, яко благословенъ еси во вѣки, аминь.

Господи помилуй *(3 раза)*.

**Слава, и нынѣ.**

Честнѣйшую Херувимъ. *(поклонъ)*.

Господи помилуй *(дважды)*, Господи благослови.

За молитвъ святыхъ Отецъ нашихъ, Господи Исусе Христе Сыне Божій, помилуй насъ. Аминь.

#### *Молитва*

Владыко Боже Отче Вседержителю, и Господи Сыне единородный Исусе Христе, и Святыи Душе, еди́но Божество и еди́на сила, помилуй мя грѣшнаго, и ими же вѣси судьба́ми, спаси мя недостойнаго раба Твоего, яко благословенъ еси во вѣки, аминь.

### ЧАСТЬ ШЕСТЫЙ

Приидите поклонимся *(трижды съ поклонами)*.

*Псаломъ 53.* Боже, во имя Твое спаси́ мя, и въ силѣ Твоей суди ми. Боже, услыши молитву мою, внуши глаголы устъ моихъ. Яко чуждіи воста́ша на мя, и крѣпціи взыска́ша ду́шу мою, и не предложіша

### Часть Шестый

Бога предъ собою. Се бо Богъ помогáетъ ми, и Господь заступникъ души моей. Отвратитъ злая врагомъ моимъ, истиною Твоею потреби ихъ. Волею пожру Тебѣ, исповѣмся имени Твоему, Господи, яко благо. Яко отъ всякія печали избáви мя, и на враги моя воззрѣ око мое.

*Псаломъ 54.* Внуши́, Боже, молитву мою, и не презри молéнія моего, вонми́ ми и услыши мя. Возскорбѣхъ печáлію моею, и смутѣхся, отъ гласа вражія и отъ стужéнія грѣшника. Яко уклонѣша на мя беззаконіе, и во гнѣве враждоваху ми. Сердце мое смутѣся во мнѣ, и страхъ смёрти нападе́ на мя. Боязнь и трéпетъ прійде на мя, и покры́ мя тьма. И рѣхъ, кто дастъ ми крилѣ́ яко голуби, и полещу́, и почию. Се удалѣхся бѣ́гая, и водворѣхся въ пустыни. Чаяхъ Бога спасающаго мя, отъ малодушія и бури. Потопи́, Господи, и раздѣли́ языки ихъ, яко видѣхъ беззаконіе и пререка́ніе во градѣ́. День и ночь обыдетъ и по стѣнамъ его, беззаконіе и трудъ посредѣ́ его, и неправда. И не оскудѣ́ отъ пути его лихва и лeсть. Яко аще бы врагъ поносилъ ми, претерпѣлъ быхъ убо. И аще бы ненавидяи мя на мя велерѣ́чеваль, укрылбыхся отъ него. Ты же, человекъ равнодушне, Владыко мой и зна́емый мой, иже купно наслади́лъ мя еси бра́шна, во храмѣ́ Божіи ходѣ́ховъ единомышленіемъ. Да прійдетъ же смерть на ня, и снѣдутъ во адъ живи, яко лука́вство въ жили́щихъ ихъ, посредѣ́ ихъ. Азъ къ Богу возвахъ, и Господь услыша мя. Вечеръ и за́утра и полудне повѣ́мъ и возвѣщю́, и услышитъ гласъ мой. Избáвитъ мѣ́ромъ душу мою отъ приближа́ющихся мнѣ́, яко во мно́зѣ́ бяху со мною. Услы́шитъ Богъ, и сми-

## Часть Шестый

ригъ ихъ, сѣи прѣжде вѣкъ. Нѣсть бо имъ измѣненія, яко не убоѣшася Бога. Простретъ руку свою на воздаяніе, оскверниша завѣтъ Его. Раздѣлишася отъ гнѣва лица Его, и приближишася сердца ихъ, умякнуша словеса ихъ паче елѣя, и та суть стрѣлы. Возвѣрзи на Господа печаль твою, и Той тя препитаѣтъ, не дастъ въ вѣкъ молвы праведнику. Ты же, Боже, низведѣши ихъ въ студенѣць истлѣнія. Мужіе крѣви и льсти, не преполовятъ днѣй своихъ, азъ же, Господи, уповаю на Тя.

*Псаломъ 90.* Живыи въ помощи Вышняго, въ кровѣ Бога небеснаго водворитъ. Речѣтъ Господеви, заступникъ мой еси, и приближище мое, Богъ мой, и уповаю на Нань. Яко Той избавитъ тя отъ сѣти ловчи, и отъ словесѣ мятѣжна. Плещьма Своима осѣнитъ тя, и подъ крилъ Его надѣбешися. Оружіе обыдетъ тя истина Его, не убойшия отъ страха ношнаго, отъ стрѣлы летящія во днѣ. Отъ вещи во тьмѣ переходящія, отъ сряща и бѣса полуденнаго. Падѣтъ отъ страны твоея тысяща, и тьма одесную тебѣ, къ тебѣ же не приблизится. Обаче очима своима смотриши, и воздаяніе грѣшникомъ узриши. Яко Ты Господи, упованіе мое, Вышняго положилъ еси приближище твое. Не приидетъ къ тебѣ зло, и рана не приблизится телеси твоему. Яко ангеломъ Своимъ заповѣсть о тебѣ, сохранити тя во всѣхъ путѣхъ твоихъ. На рукахъ возмутъ тя, да некогда прѣткнеши о камень ноги твоея. На аспида и василиска наступиши, и попереши льва и змія. Яко на Мя упова, и избавлю и, покрыю и, яко позна имя Мое. Воззоветъ ко Мне, и услышу и, съ нимъ есмь въ скорби, изму и, и прослаблю его. Долготу днѣй исполню



Часть Шестый

и, и явлю́ ему спасе́ние Мое.

**Слава, и нынѣ.**

Аллилуія, аллилуія, слава Тебѣ, Боже *(3 раза съ поклонами)*.

Господи помилуй *(3 раза)*.

**Слава Отцу и Сыну и Святому Духу.**

*Тропарь воскресный, гласъ б.*

Ангельскія силы на гробѣ Твоемъ, и стрегущеи о́тъ страха омертвѣша. И стояше Марія у гроба, ищущи пречистаго тѣла Твоего. Испроверже ада, не иску́шься о́тъ него. Срѣте Дѣву даруяи животъ, воскресъ изъ мертвыхъ, Господи слава Тебѣ.

**И нынѣ, и присно, и во вѣки вѣкомъ, аминь.**

Яко не има́мы дерзнове́нія, за премно́гія грѣхи наша, но Ты иже о́тъ тебѣ ро́ждьшагося моли, Богородице Дѣво, мно́го бо мо́жетъ моли́тва ма́терня на умоле́ние Влады́ки, не прѣзри грѣшныхъ мо́льбы, Всечистая, яко ми́лостивъ есть и спасти́ мо́ги. Иже страда́ти насъ ради изво́ливыи.

Скоро да предвари́тъ ны щедро́ты Твоя, Господи, яко обнища́хомъ зѣло́, помози́ намъ, Боже Спаси́телю нашъ, сла́вы ра́ди и́мени Твоего Господи, изба́ви насъ, и очисти грѣхи́ наша и́мене Твоего ради.

*Трисвятое, по* Отче нашъ.

Господи Исусе Христе Сыне Божій, помилуй насъ. Аминь.

*Кондакъ воскресный, гласъ б.*

Живоначалною длáнию, умершихъ о́тъ мрачныхъ удо́лій, жизнедавецъ воскресивъ всѣхъ Христосъ Богъ, воскресеніе даровавъ человѣческому роду. Есть бо всѣхъ Спаситель и воскресеніе и животъ, и Богъ всяческимъ.

### Часть Шестый

Господи помилуй *(40 разъ)*.

Иже на всяко время и на всякъ часъ на небеси и на землі, покланяемыи и славимыи. Боже благии, долготерпѣливе и многомилостиве, иже праведники любя, и грѣшныхъ милуя, иже всѣхъ зовыи ко спасенію, обѣщанія ради будущихъ благъ. Самъ Господи, пріими молитвы наша въ часъ сей, и въ благодости исправи животъ нашъ къ заповѣдемъ Твоимъ, душа наша освяти и тѣлесá очисти, помышленія исправи и мысли очисти, разумъ уцѣломудри и истрезви, и избави насъ отъ всякія скорби, золь и болѣзней и душевныхъ страстей, и огради насъ святыми ангелы Твоими, яко да ополченіемъ ихъ соблюдаеми и наставляеми, достигнемъ во единство вѣры, и въ разумъ неприкосновенныя Ти славы, яко благословенъ еси во вѣки, аминь.

Господи помилуй *(3 раза)*.

**Слава, и нынѣ.**

Честнѣйшую Херувимъ. *(поклонъ)*.

Господи помилуй *(дважды)*, Господи благослови.

За молитвъ святыхъ Отець нашихъ, Господи Исусе Христе Сыне Божій, помилуй насъ. Аминь.

### *Молитва*

Боже и Господи сіламъ, и всея твари Содѣтелю, иже за милосердіе неизреченныя милости Твоея, единороднаго Сына Твоего Господа нашего Исуса Христа, низпославъ на спасеніе роду нашему, и честнымъ Его Крестомъ, рукописаніе грѣхъ нашихъ растерзавъ, и обличивъ тѣмъ начала и власти тѣмъ. Самъ, Владыко Человѣколюбче, пріими отъ насъ грѣшныхъ, благодарныя сія молитвы, и избави насъ отъ всякаго всегубительнаго и мрачнаго грѣхопаденія, и всѣхъ иже озлобити насъ

### Часть Шестый

ищущихъ видимыхъ и невидимыхъ врагъ. Пригвозди́ стра́съ Твоемъ плóти наша, и не уклони́ сердце́ нашихъ въ слова и помышлѣнiя лукавствiя, но любовью Твоею уязви́ душа́ наша. Да къ Тебѣ всегда взирающе, и еже отъ Тебѣ свѣтомъ наставляеми, Тебѣ неприкосновеннаго и присносу́щнаго зряще свѣта, непрестáнное Тебѣ исповѣданiе и благодарѣнiе возсылаемъ, безначáльному Отцу, со Единороднымъ Ти Сыномъ, и с Пресвятымъ и благимъ и животворящимъ Ти Духомъ, нынѣ и присно, и во вѣки вѣкомъ, аминь.

### ЧАСЪ ДЕВЯТЫЙ

Приидите поклонимся *(трижды, съ поклонами)*.

*Псаломъ 83.* Коль возлюблена сѣла Твоя, Господи силъ, желáетъ и скончевáется душа́ моя во двори́ Господня. Сердце мое и плоть моя возрадовастася о Бозѣ живѣ. Ибо птица обрѣте себѣ храмину, и гóрлица гнѣздó себѣ, иде́же положи́ птенцы́ своя, олтари́ Твоя, Господи Боже силъ, Царю мой и Боже мой. Блажени живу́щии въ дому́ Твоемъ, въ вѣкъ вѣка восхва́ляютъ тя. Блаженъ мужъ, ему же есть заступлѣнiе его отъ Тебѣ. Восхождѣнiя въ сѣрдцы своемъ положи́, во юдо́ли плачевне, въ мѣстѣ иде́же положи́, ибо благословѣнiе дастъ законъ даяи. Пойдутъ отъ силы въ силу, явится Богъ богомъ въ Сионѣ. Господи Боже силъ, услыши молитву мою, внуши Боже Иаковль. Защитниче нашъ виждь Боже, и при́зри на лице́ Христа Твоего. Яко луч́ше день единъ во двóрѣхъ Твоихъ паче ты́сящъ. Изво́лихъ примѣтáтися въ дому́ Бо-

### Часть Девятый

га моего паче, неже жити ми въ селѣхъ грѣшничихъ. Яко милость и истину любитъ Господь, Богъ благодать и славу дастъ. Господь не лишитъ блага ходящихъ незлобіемъ. Господи Боже силь, блаженъ человекъ, уповаѣи на Тя.

*Псаломъ 84.* Благоволилъ еси, Господи, зѣмлю Твою, возвратилъ еси плѣнь Іаковль. Оставилъ еси беззаконія людемъ Твоимъ, покрылъ еси вся грѣхи ихъ. Укротилъ еси весь гнѣвъ Твой, возвратилъ еси отъ гнѣва ярости Твоея. Возврати насъ, Боже спасеніи нашихъ, и возврати ярость Твою отъ насъ. Еда во вѣки прогнѣваешися на ны, или простреши гнѣвъ свой отъ рода въ родъ. Боже, Ты обращъ живиши ны, и людіе Твои возвеселятсѣ о Тебѣ. Яви намъ, Господи, милость Твою, и спасеніе Твое даждь намъ. Услышу что речеть о мнѣ Господь Богъ, яко речеть миръ на люди Своя, и на преподобныя Своя, и на обращающая сердца къ Нему. Обаче близъ боящихся Его, спасеніе Его, вселити славу въ зѣмлю нашу. Милость и истина срѣтостесѣ, правда и миръ облобызастасѣ. Истина отъ земли восія, и правда съ небесѣ приниче. Ибо Господь дастъ благость, и земля наша дастъ плодъ свой. Правда предъ Нимъ предъидеть, и положитъ въ путь стопы своя.

*Псаломъ 85.* Приклони, Господи, ухо Твое, и услыши мя, яко нищъ и убогъ есмъ азъ. Сохрани душу мою, яко преподобенъ есмъ, спаси раба Твоего, Боже мой, уповающаго на Тя. Помилуй мя, Господи, яко къ Тебѣ воззову весь день. Возвесели душу раба Твоего, яко къ Тебѣ взяхъ душу мою. Яко Ты, Господи, благъ и долготерпѣливъ, и многомилостивъ всѣмъ призывающимъ Тя. Внуши

### Часть Девятый

Господи, молитву мою; и воньми гласу моленія моего. Въ день печали моея возвахъ къ Тебѣ, яко услыша мя. Нѣсть подобенъ Тебѣ въ бѣдѣхъ, Господи, и нѣсть по дѣломъ Твоимъ. Все языцы елико сотвори, приидутъ и поклонятся предъ Тобою, Господи, и прославятъ имя Твое. Яко велии еси Ты, и творяи чудеса, Ты еси Богъ единъ. Настави мя, Господи, на путь Твой, и пойду во истинѣ Твоей, да возвеселится сердце мое, бояться имене Твоего. Исповѣмся Тебѣ, Господи Боже мой, всѣмъ сердцемъ моимъ, и прославлю имя Твое въ вѣкъ. Яко милость Твоя велиа на мнѣ, и избави душу мою отъ ада преисподняго. Боже, законопреступницы восташа на мя, и сонмъ державныхъ взыскаша душу мою, и не предложиша Тебѣ предъ собою. И Ты, Господи Боже мой, щедръ и милостивъ, долготерпѣливъ и многомилостивъ и истиненъ. Призри на мя и помилуй мя, даждь державу Твою отроку Твоему, и спаси сына рабы Твоея. Сотвори со мною знаменіе во благо, и да видятъ ненавидящии мя и постыдятся. Яко Ты, Господи, поможете ми, и утѣшилъ мя еси.

**Слава, и нынѣ.**

Аллилуія, аллилуія, слава Тебѣ, Боже *(3 раза съ поклонами)*.

Господи помилуй *(3 раза)*.

**Слава Отцу и Сыну и Святому Духу.**

*Тропарь воскресный, гласъ 6.*

Ангельскія силы на гробѣ Твоемъ, и стрегущей отъ страха омертвѣша. И стояше Марія у гроба, ищущи пречистаго тѣла Твоего. Испроверже ада, не искушься отъ него. Срѣте Дѣву даруяи животъ, воскресъ изъ мертвыхъ, Господи слава Тебѣ.

Часть Девятый

**И нынѣ, и присно, и во вѣки вѣкомъ, аминь.**

Иже насъ ради рождѣися отъ Дѣвы, и распятіе претерпѣвъ благии, испровергши смѣртію смерть, и воскресеніе явль яко Богъ, не презри ихъ же созда рукою Своєю, яви челоуѣколюбіе Свое, Милостиве, пріими рождѣшую Тя Богородицу молящуюся за ны, и спаси, Спасе нашъ, люди согрѣшшія.

Не предаждь насъ до конца, имени Твоего ради, и не разори завѣта Твоего, и не отстави милости Твоея отъ насъ, Авраама ради возлюбленнаго отъ тебѣ, и за Исаака раба Твоего, и Израиля святаго Твоего.

*Трисвятое, по* Отче нашъ.

Господи Исусе Христе Сыне Божій, помилуй насъ. Аминь.

*Кондакъ воскресный, гласъ 6.*

Живоначалною дланію, умершихъ отъ мрачныхъ удолій, жизнедавецъ воскресивъ всѣхъ Христосъ Богъ, воскресеніе даровавъ челоуѣческому роду. Есть бо всѣхъ Спаситель и воскресеніе и животъ, и Богъ всяческимъ.

Господи помилуй *(40 разъ)*.

Иже на всяко время и на всякъ часъ на небеси и на земли, покланяемыи и славимыи. Боже благии, долготерпѣливе и многомилостиве, иже праведники любя, и грѣшныхъ милуя, иже всѣхъ зовѣи ко спасенію, обѣщанія ради будущихъ благъ. Самъ Господи, пріими молитвы наша въ часъ сей, и въ благиости исправи животъ нашъ къ заповѣдемъ Твоимъ, душа наша освяти и тѣлеса очисти, помышленія исправи и мысли очисти, разум уцѣломудри и истрезви, и избави насъ отъ всякія скорби,

### Часть Девятый

золъ и болѣзней и душевныхъ страстей, и огради насъ святыми ангелы Твоими, яко да ополченіемъ ихъ соблюдаеми и наставляеми, достигнемъ во единство вѣры, и въ разумъ неприкосновенныя Ти славы, яко благословенъ еси во вѣки, аминь.

Господи помилуй *(3 раза)*.

**Слава, и нынѣ.**

Честнѣйшую Херувимъ. *(поклонъ)*.

Господи помилуй *(дважды)*, Господи благослови.

За молитвъ святыхъ Отецъ нашихъ, Господи Исусе Христе Сыне Божій, помилуй насъ. Аминь.

### Молитва

Владыко Господи Исусе Христе Боже нашъ, долготерпѣливъ о нашихъ согрѣшеніихъ, даже и до нынѣшняго часа приведи насъ, вонъ же на животворящемъ дрѣвѣ вѣся, благоразумному разбойнику, иже въ рай путь сотворилъ еси входъ, и смертію смерть разрушилъ еси, очисти насъ грѣшныхъ и недостойныхъ рабъ Твоихъ, согрѣшихомъ бо и беззаконновахомъ, и нѣсмы достойны возвести очію нашею, и воззрѣти на высоту небесную, занеже оставихомъ путь правды Твоея, и ходихомъ въ воляхъ сердецъ нашихъ. Но молимъ Твою благодать, пощади насъ, Господи, по множеству милости Твоея, и спаси насъ имене Твоего ради святаго, яко исчезоша въ суетѣ дни наши. Изми насъ изъ руки сопротивнаго, и остави намъ прегрѣшенія наша, и умертви плотское наше мудрованіе, да вѣтхаго отложивше чловѣка, и въ новаго облечемся, и Тебѣ поживемъ нашему Владыцѣ и благодателю. И тако Твоимъ повелѣніемъ послѣдующе, въ вѣчный покой достигнемъ, идеже есть всѣмъ веселящимся жилище. Ты бо еси воис-

### Обѣдница

тину истинное веселіе, и радость любящимъ Тя, Христе Боже нашъ, и Тебѣ славу возсылаемъ, съ безначальнымъ Ти Отцѣмъ, и съ пресвятымъ и благимъ и животворящимъ Ти Духомъ, нынѣ и присно и во вѣки вѣкомъ, аминь.

### ОБѢДНИЦА

*Послѣ Часа Девятаго сразу читается Псаломъ 102.*

Благослови душе́ моя Господа, и вся внутреняя моя имя святое Его. Благослови душе́ моя Господа, и не забывай всѣхъ воздаяніи Его. Очищающаго вся беззаконія твоя, исцѣляющаго вся недуги твоя. Избавляющаго отъ истлѣнія животъ твой, вѣнчающаго тя милостію и щедротами. Исполняющаго во благихъ желаніе твое, обновится яко орлу юность твоя. Твори ми́лостыню Господь, и судьбу всѣмъ обидимымъ. Слова́ пути́ Своя Моисе́ови, сыновомъ Израилевомъ хотѣнія Своя. Щедръ и милостивъ Господь, долготерпѣливъ и многомилостивъ. Не до конца прогнѣвается, ни въ вѣкъ враждуетъ. Не по беззаконіемъ нашимъ сотвори́лъ есть намъ, ни по грѣхомъ нашимъ воздалъ есть намъ. Яко по высотѣ небесней отъ земли, утверди́лъ есть Господь милость Свою на боящихся Его. Ели́ко отстоятъ востоцы отъ западъ, удалилъ есть отъ насъ беззаконія наша. Яко же щедритъ Отецъ сыны, ущедритъ Господь боящихся Его. Яко Той позна́ созданіе наше, помяну́ яко персть есмь. Человѣкъъ яко трава, дніе его яко цвѣтъ сѣльныи, тако оцвѣтѣтъ. Яко духъ про́йдетъ въ немъ и не будетъ, и не познаетъ къ Тому мѣста своего. Милость же Господня́ о́тъ вѣка



### Обѣдница

и до вѣка на боящихся Его. И правда Его на сынѣхъ сынѡвъ, хранящихъ завѣтъ Его, и помнящихъ заповѣди Его, творити я. Господь на небеси уготова престолъ Свой, и царство Его всѣми обладаетъ. Благословіте Господа вси ангели Его, сильнии крѣпостію творящии слово Его, услышати гласъ словесъ Его. Благословіте Господа вся силы Его, слуги Его, творящии волю Его. Благословіте Господа вся дѣла Его, на всякомъ мѣстѣ владычества Его, благослови душе моя Господа.

**Слава Отцу и Сыну и Святому Духу.**

*Псаломъ 145.* Хвали душе моя Господа, восхваляю Господа въ животѣ моемъ, пою Богу моему дондеже есмь. Не надѣйтесь на князи, на сыны челоувѣческія, въ нихъ же нѣсть спасенія. Изыдетъ духъ его, и возвратится въ зѣмлю свою, въ той день погібнутъ вся помышленія его. Блаженъ ему же Богъ Іаковль помощникъ его, упованіе его на Господа Бога своего. Сотворшаго небо и зѣмлю, морѣ и вся яже въ нихъ. Хранящаго истину въ вѣкъ, творящаго судъ обидимымъ, дающаго пищу алчущимъ. Господь рѣшитъ окованныхъ, Господь умудряетъ слѣпца. Господь возводитъ низверженныя, Господь любитъ праведники. Господь хранитъ пришельца, сира и вдову приѣмлетъ, и путь грѣшныхъ погубитъ. Воцарится Господь во вѣки, Богъ твой, Сіоне, въ родъ и родъ.

**И нынѣ, и присно, и во вѣки вѣкомъ, аминь.**

Единородный Сынъ, и Слово Божіе, безсмертенъ сый. Изволивъ спасенія нашего ради, воплотитися отъ святыя Богородицы и присно Дѣвы Маріи, непреложно вчеловѣчився, распятъ Христе Боже, смертію на смерть наступи, единъ сый свя-

Обѣдница

тыя Троицы. Спрославляемъ Отцу и Святому Духу спаси насъ.

*Блаженна.*

Во царствіи Твоемъ егда прійдеши, помяни насъ Господи.

*На 12. Блажѣни нищїи духомъ, яко тѣхъ есть царство небесное.*

*Блажѣни плачущїи, яко тїи утѣшатся.*

*На 10. Блажени кротцыи, яко тїи наслѣдять зѣмлю.*

*Блажени алчущїи и жаждущїи правды, яко тїи насытятся.*

*На 8. Блажени милостивїи, яко тїи помиловани будутъ.*

*Стехъры, гласъ б.*

*(Блаженныя стехъры берутся отъ канона 3-й и 6-й пѣснь).*

Помяни мя Боже Спасе мой, егда прійдеши во царствїи си. И спаси мя яко единъ Человѣколюбець.

*Блажени чїстїи сердцемъ, яко тїи Бога узрятъ.*

Дрѣвомъ Адаму прельщену бывшу, дрѣвомъ же крестнымъ паки спаслъ еси разбойника, вопїюща, помяни мя Господи, егда прійдеши во царствїи си.

*На 6. Блажѣни миротворцы, яко тїи сынове Божїи нарекутся.*

Воспоемъ, иже волею распѣншагося и погребѣна Христа Бога нашего, и воскресша во славу триднѣвно.

*Блажени изгнани правды ради, яко тѣхъ есть царство небесное.*

Вратá адова и вереї сокрушивъ, и сущыя жизнедавче во адѣ, вся воскресилъ еси, зовущїя, Спасе щедрыи, слава востанїю Ти.

Обѣдница

Блажени есте егда поно́сятъ вамъ, и изжену́тъ вы, и реку́тъ всякъ золь глаго́ль, на вы лжу́ще Мене ради.

Иже изъ гроба воскрѣсшаго, якоже рече́ прѣжде стра́сти, и ада плѣни́вша, Христа согласно вси воспоёмъ.

Ра́дуйтесь и веселі́тесь, яко мзда ваша мно́га на небесѣхъ.

Свѣтъ міру апостоли показавшеса, весь мракъ прѣлести отгна́ша, зарями божѣственными, учѣніи Своихъ.

**Слава Отцу и Сыну и Святому Духу.**

Отца и Сына славосло́вимъ, и Духа Святаго, глаголюще, Троице Святая спаси душа́ наша.

**И нынѣ, и присно, и во вѣки вѣкомъ, аминь.**

Ра́дуйся двѣри Богу отвѣрстая, неизглаго́ланно въ Тя всѣльшеса, и прошедша изъ Тебе присно Дѣво.

Господи Исусе Христе Сыне Божій, помилуй насъ.

*Пѣвцы.* Аминь.

Святы́й Боже, Святы́и Крѣпкій, Святы́и Безсмертный, помилуй насъ *(3 раза)*.

Слава Отцу и Сыну и Святому Духу, и нынѣ и присно и во вѣки вѣкомъ, аминь. Святы́и Безсмертныи, помилуй насъ.

Святы́и Боже, Святы́и Крѣпкій, Святы́и Безсмертныи, помилуй насъ.

*Передъ Евангеліемъ.*

*Чтець.* Прокименъ, гласъ 6-й. Спаси Господи люди Своя, и благослови́ достоя́ніе Свое.

*Пѣвцы.* Спаси Господи люди Своя, и благослови́ достоя́ніе Свое.

Обѣдница

*Чтецъ.* Къ Тебѣ Господи воззову́ Боже мой, не премолчи́ отъ менé.

*Пѣвцы.* Спаси Господи люди Своя и благослови достояніе Свое.

*Чтецъ.* Спаси Господи люди Своя.

*Пѣвцы.* И благослови достояніе Свое.

*(Чтеніе зачала Апостола и Евангелія указано въ Православномъ календарѣ, въ служебномъ Евангеліи и Апостолѣ, въ Апостолѣ указаны прокимны и аллилуіи дня).*

*Чтецъ.* Къ Ефесѣомъ посланіе святаго апостола Павла.

Братіе, возмогайте о Господѣ, въ державѣ крѣпости Его. Облецётесь во вся ору́жия Божія, яко возмо́щїи вамъ ста́ти противу ко́знемъ діавольскимъ, яко нѣсть наша брань къ крови и плоти, но къ началомъ и ко властѣмъ, и къ міродержителемъ тьмы вѣка сего, къ духовомъ злобѣ подъ небеснымъ. Сего ради прїимете вся оружия Божія, да возмо́жете противитися въ день лють, и вся содѣявше ста́ти. Станете убо препоясани чресла́ ваша истинною, и обѣлкъшеся во броня́ правды, и обувше нозѣ во угото́вание благовѣствованія міру. Надо всѣми же восприимше щитъ вѣры, въ немъ же возмо́жете вся стрѣлы лукаваго разжѣнныя угасити. И шлемъ спасенія восприиміте, и мечъ духовный, еже есть глаголъ Божій.

*Чтецъ.* Аллилуія, гласъ 6-й.

*Пѣвцы.* Аллилуія *(трижды)*.

*Стихъ.* Живыи въ по́мощи Вы́шняго, въ кро́вь Бога небеснаго водворітся.

*Пѣвцы.* Аллилуія *(трижды)*.

*Стихъ.* Рече́тъ Го́сподеви, заступникъ мой еси, и прибѣжище мое, Богъ мой, и упова́ю на́нь.

*Пѣвцы.* Аллилуія *(трижды)*.

## Обѣдница

*Чтецъ.* Отъ Луки святаго Евангелія чтеніе.

*Пѣвцы.* Слава Тебѣ Господи.

*Зачало 71.* Во время оно, бе Иисусъ уча на единомъ отъ сонмищъ въ суботу. И се жена бе имущи духъ недуженъ, лѣтъ осмынадесять, и бе слѹка, и немогущися восклонити отнюдъ. Видевъ же ю Иисусъ, пригласи, и рече ей, жено отпущена еси отъ недуга твоего. И возложи на ню рѹцѣ, и абіе прострѣся, и славяще Бога. Отвѣщавъ же старѣйшина собору негодѹя, зане въ суботу исцѣли ю Иисусъ, глаголаше народу, шесть днй есть, въ ня же достоитъ дѣлати, въ ты убо приходяще цѣлитесь, а не въ день суботныи. Отвѣщавъ же убо ему Господь, и рече, лицемѣре, кождо васъ въ суботу не отрѣшаеть ли своего вола, или осла отъ яслей, и ведъ напаяеть. Сію же дщерь авраамлю сѹщу, юже связа сатана, се осмое надесяте лѣто, недостояше ли разрѣшится ей отъ юзы сея въ день суботныи. И си Ему глаголющу, стыдяхуся вси противляющіися Ему. И вси людіе радовахуся, о всѣхъ славныхъ бывающихъ отъ Него.

*Пѣвцы.* Слава Тебѣ Господи.

*По прочтеніи Евангелія.*

Помяни насъ, Господи, егда приидеши во царствіи Твоемъ *(поклонъ)*.

Помяни насъ, Владыко, егда приидеши во царствіи Твоемъ *(поклонъ)*.

Помяни насъ, Святыи, егда приидеши во царствіи Твоемъ *(поклонъ)*.

Ликъ Небесный поеть ты и глаголетъ, Святъ, Святъ, Святъ Господь Саваоѣъ, исполнь небо и зѣмлю славы Твоея.

Приступите къ Нему и просвѣтитесь, и лица ваша не постыдятся.

Ликъ Небесный поеть ты и глаголетъ, Святъ,

*Обѣдница*

Святъ, Святъ Господь Саваоѣъ, исполнь небо и зѣмлю славы Твоея.

Слава Отцу и Сыну и Святому Духу.

Соборъ святыхъ ангелъ и архангелъ, со всѣми небесными силами, поеть тя и глаголетъ, Святъ, Святъ, Святъ Господь Саваоѣъ, исполнь небо и зѣмлю славы Твоея.

И нынѣ, и присно, и во вѣки вѣкомъ, аминь.

*Символъ Вѣры*

Вѣрую во Единаго Бога Отца Вседержителя, Творца небу и земли, видимымъ же всѣмъ и невидимымъ. И во единаго Господа Иисуса Христа Сына Божія, единороднаго, иже отъ Отца рожденнаго прежде всѣхъ вѣкъ. Свѣта отъ Свѣта, Бога истинна отъ Бога истинна, рожденна а не сотворена, единосущна Отцу, Имъ же вся быша. Насъ ради человекъ, и нашего ради спасенія сшедшаго съ небесъ, и воплотившагося отъ Духа Свята, и Маріи Дѣвы вочеловѣчшася. Распятаго за ны при Понтийстѣмъ Пилатѣ, страдавша и погребена. И воскресшаго въ третій день по писаніихъ. И возшедшаго на небеса, и сидяща одесную Отца. И паки грядущаго со славою, судити живымъ и мертвымъ, Его же Царствію нѣсть конца. И въ Духа Святаго Господа истиннаго и животворящаго, иже отъ Отца исходящаго, иже со Отцемъ и съ Сыномъ споклоняема и славима, глаголавашаго пророки. И во едину святую Соборную и Апостольскую Церковь. Исповѣдую едино крещеніе, во оставленіе грѣховъ. Чаю воскресенія мертвымъ, и жизни будущаго вѣка, аминь.

Ослаби остави, отпусти Боже, согрѣшенія наша, вольная и невольная, яже въ словѣ и въ дѣле, и

Обѣдница

яже въ вѣденіи и не въ вѣденіи, и яже во умѣ и въ помышленіи, яже во дни и въ ноці, вся ми прости, яко благъ и человекѡколюбѣцъ.

Отче нашъ.

Господи Исусе Христе Сыне Божій, помилуй насъ. Аминь.

*Посемъ, кондакъ воскресный по гласу недѣли, или празднику, или дню, и кондакъ святому дня.*

**Слава.** Со святыми покой Христе душа рабъ Своихъ, идеже нѣсть болѣзни, ни печали, ни въздыханія, но жизнь вѣчная. *(Въ воскресный и праздничный день заупокойный кондакъ не читается).*

**И нынѣ.** Заступница христیانомъ непостыдная, ходатаице къ Творцу непреложная, не презри грѣшныхъ моленія гласы, но предвари яко блага на помощь нашу, вѣрно вопіющихъ Ти, ускори на молитву, и потщися на умоленіе, заступающи присно, Богородице, чтущихъ Тя.

Господи помилуй *(12 разъ).*

Всесвятая Троице единасущная, неодолима держава и нераздѣлимое царство, яже всѣмъ благимъ виновна, благоволи въ настоящій сей часъ о мнѣ грѣшнемъ, и вся ми омый скверны, и просвѣти ми смыслъ, яко да всегда воспѣваю Тя, и славословлю и глаголю, единъ Святъ, единъ Господь Исусъ Христосъ, въ славу Богу Отцу, аминь.

Буди имя Господне благословено отъ нынѣ и до вѣка *(3 раза съ поклонами).*

**Слава, и нынѣ.**

**Псаломъ 33.** Благословлю Господа на всяко время, выну хвалу Его во устѣхъ моихъ. О Господь похвалится душа моя, да услышатъ кротцыи и возвеселятся. Возвеличите Господа со мною, и

### Обѣдница

вознесемъ имя Его вкупѣ. Взыскахъ Господа, и услыша мя, и отъ всѣхъ скорби моихъ избави мя. Приступите къ Нему, и просвѣтитесь, и лица ваша не постыдятся. Се нищии возва, и Господь услыша и, и отъ всѣхъ скорби его спасе и. Ополчѣтся ангелъ Господень окрестъ боящихся Его, и избавить ихъ. Вкусите и видите, яко благо Господь, блаженъ мужъ, иже уповаеть на нѣ. Бойтесь Господа вси святїи Его, яко нѣсть лишѣнія боящимся Его. Богатїи обнищаша и взалкаша, взыскающїи же Господа не лишѣтся всякаго блага. Приидите чада послушайте мене, страху Господню научу васъ. Кто есть человекъ хотяи животъ, любяи дни видѣти блага. Удержи языкъ свой отъ зла, и устнѣ свои еже не глаголати лести. Уклонїся отъ зла, и сотвори благо, взыщи миръ, и поженї и. Очи Господни на праведныя, и уши Его въ молитву ихъ. Лице же Господне на творящїя злая, еже потребити отъ земли пѣмь ихъ. Возваша праведнїи, и Господь услыша ихъ, и отъ всѣхъ печалей ихъ избави ихъ. Близъ Господь сокрушенныхъ сердцемъ, и смиренныя духомъ спасетъ. Многи скорби праведнымъ, и отъ всѣхъ ихъ избавить я Господь. Хранитъ Господь вся кости ихъ, и не едина отъ нихъ сокрушїтся. Смерть грѣшникомъ люта, и ненавидящїй праведнаго прегрѣшатъ. Избавитъ Господь душа рабъ Своихъ, и не прегрѣшатъ вси уповающїи на нѣ.

Достойно есть яко воистину блажити Тя, Богородице, присноблаженную и пренепорочную и Матерь Бога нашего. Честнѣйшую Херувимъ и славнѣйшую воистину Серафимъ, безъ ислѣнїя Бога Слова рождшую сущую Богородицу Тя ве-



Обѣдница

личаемъ (*поклон до земли*).

Слава Отцу и Сыну и Святому Духу (*поклонъ*), и нынѣ, и присно, и во вѣки вѣкомъ, аминь (*поклонъ*).

Господи помилуй, Господи помилуй, Господи благослови (*поклонъ*).

*Отпустъ.* Воскресѣи изъ мѣртвыхъ, Господи Иисусе Христе Сыне Божій, молитвъ ради Пречистыя Твоея Матере, силою честнаго и Животворящаго Креста, святыхъ славныхъ и всѣхъвальныхъ апостолъ, и святаго (*его же есть день*) и всѣхъ ради святыхъ, помилуй и спаси насъ, яко благъ и человѣколюбецъ.

*Пѣвцы.* Аминь.

*Имѣется обычай послѣ отпуста цѣловать крестъ, положенный на аналой. И въ это время поютъ стихѣру на цѣлованіе креста, гласъ б-й.*

Иже Крестомъ ограждаѣми, врагу противляѣмся, не боящися того коварства ни лаянія, яко бо гордый упразднѣся, и попра́нъ бысть, на древѣ́ силою распя́таго Христа.

*Передъ цѣлованіемъ креста кладутся два поясныхъ поклона съ молитвой* Боже милостив. *Затѣмъ оградивъ себя крестнымъ знаменемъ:* Слава, Господи, Кресту Твоему честному, *и съ благоговеніемъ и усердіемъ въ воспоминаніе страданія Христа Спасителя за насъ поцѣловать крестъ. Послѣ этого поясной поклонъ:* Безъ числа согрѣшихъ, Господи, помилуй и прости мя грѣшнаго.

*И исходные поклоны.*

**Уставъ святыхъ Апостолъ и изложеніє святыхъ  
богоносныхъ Отцевъ седми Вселенскихъ  
Соборовъ. Святаго крещенія роду человѣчу,  
во имя Отца и Сына и Святаго Духа.**

Бываемый надъ оглашеннымъ, сирѣчь хотящимъ креститися, въ случаѣ нужномъ, и за неимѣніемъ православнаго іерея.

*Аще будетъ по рожденіи боленъ младенецъ, и не ссетъ сосца матерня, но и къ смерти будетъ, не подобаетъ ждати, якоже нѣціи злѣрекоша, до пяти или до шести дней не крестити, но въ тойже часъ, токмо вонъ же родится, омывше и крестити е, да не умретъ непросвещенно.*

*Прежде же принесеннъ бывши водъ отъ источника, и воляюу въ купль. И свѣщамъ возженнымъ четверемъ и поставленнымъ окрестъ купъли.*

*Предстоятель глаголетъ.* За молитвъ святыхъ Отецъ нашихъ, Господи Исусе Христе Сыне Божій, помилуй насъ. Аминь.

Царю Небесный, *Трисвятое, по* Отче нашъ.

Господи Исусе Христе Сыне Божій, помилуй насъ, аминь.

*Тропарь Богоявленію, гл. 1.*

Во Іорданѣ крещаются Господи, троическое явися поклоняніе, родителейъ бо гласъ свидѣтельствоваше Ти, возлюбленнаго Тя Сына именуя, и Духъ въ видѣніи голубинѣ, извѣствоваше словеси утверженіе, явлѣйся Христе Боже и міръ прсвѣщѣи, слава Тебѣ.

*Тропарь воскресенъ по гласу недѣли, или сей, гл. 6.*

Ангельскія силы на гробѣ Твоемъ, и стрегущей отъ страха омертвѣша. И стояше Марія у гроба,

Крещеніє мірскимъ чиномъ

ищуши пречистаго тѣла Твоего. Испроверже ада, не иску́шься отъ него. Срѣте Дѣву даруяи животъ, воскресъ изъ мертвыхъ, Господи слава Тебѣ.

*Тропарь Пресвятѣй Богородицѣ Одигитріи, гл. 4.*

Къ Богородицѣ прилѣжно нынѣ притецѣмъ грѣшніи со смиреніемъ припадающе и покаянїемъ, вопїюще изъ глубины душѣвныя. Владычице помози молосердовавше на ны. Потщїся яко изгнѣемъ отъ множества грѣховъ, не отврати рабъ Своихъ тощъ. Тебе бо едїну помощницу їмамы.

*Тропарь Успенїю Пресвятыя Богородицѣ, гл. 1.*

Въ рождетсвѣ дѣвство сохранила еси, и во успѣнїи міра не остаѣи Богородице, предстаѣвїбося къ животу, Мати сўщи Животá. И молитвами Твоими избавляеши отъ смерти душа наша.

*Таже тропарь дневныи, и тропарь святому, в егоже крещаемый нареченъ.*

**Слава и нынѣ. Богородиченъ.**

Молитвами Господи всѣхъ святыхъ и Богородицы, Твой миръ даждь намъ, и помилуй насъ, яко единъ щедръ.

*Посемъ обратитъ крещаемаго къ западу лицемъ. И горѣ руцѣ ему воздвигшу, и вопрошается крестящїися: имярекъ, отрицаешилися сатаны. И аще въ возрастъ, все отрицанїе самъ крестящїися глаголетъ, аще ли же младенецъ есть крестяися, предстоятель обращаетъ воспрїемниковъ со младенцемъ, на западъ лицемъ и вопрошаетъ младенца.*

*Вопросъ. Имярекъ, отрицаешилися сатаны?*

*И вмѣсто младенча слова, отвѣщаютъ воспрїемницы.*

*Отвѣтъ. Отрицаюсь сатаны.*

*Вопросъ. И всѣхъ дѣлъ его?*

*Отвѣтъ. И всѣхъ дѣлъ его.*

*Вопросъ. И всея службы его?*

Крещеніе мірскимъ чиномъ

*Отвѣтъ.* И всея службы его.

*Вопросъ.* И всѣхъ ангелъ его?

*Отвѣтъ.* И всѣхъ ангелъ его.

*Вопросъ.* И всего студа его?

*Отвѣтъ.* И всего студа его.

*Сіи вопросы и отвѣты сотворяти по 3-жды.*

*И паки вопрошаетъ крещаемого се (3 раза).*

*Вопросъ.* Отречелися сатаны, *имярекъ?*

*Отвѣтъ.* Отрекхся сатаны.

*И речетъ предстоятель.* И плюни на бѣса трижды къ западу.

*Крестящися же плюнетъ, 3-жды.*

*Посемъ предстоятель повелитъ крестящемуся, обратитися на востокъ лицомъ, руцъ ему долу держащу. Аще ли младенецъ, и повелитъ воспріемникомъ обратитися со младенцемъ на востокъ.*

*И вопрошаетъ подобне 3-жды, и сѣ.*

*Вопросъ.* Обѣщаваеши ли Христу, *имярекъ?*

*И отвѣщаетъ крестяся, или во младенца мѣсто, воспріемницы рекутъ.* Обѣщаваюся Христу, и вѣрую во Единого Бога Отца Вседержителя.

*И глаголютъ исповѣданіе Православной вѣры.*

Вѣрую во Единого Бога. *Весь до конца (3 раза).*

*И паки вопрошаетъ крещаемого (3 раза).*

*Вопросъ.* Обѣщались ли Христу, *имярекъ?*

*Отвѣтъ.* Обѣщался Христу.

*Вопросъ.* Вѣруеши ли во Христа?

*Отвѣтъ.* Вѣрую во Христа.

*Предстоятель глаголетъ.* Поклоніся Ему.

*И поклонитъ главу крестяся, или воспріемникъ преклоняется со младенцемъ, глаголя.* Поклоняюся Отцу и Сыну и Святому Духу, Троицѣ Единосущнѣй и нераздѣлимѣй.

*И приѣмъ предстоятель кадильницу, и покадитъ куптьль*

Крещеніе мірскимъ чиномъ

*о́кругъ крестообразно.*

*Посемъ пріемлетъ крестящагося руками и крещаетъ, глаголя. Крещается рабъ Божіи, имярекъ, во имя Отца. И поглубжаетъ его къ востоку лицемъ единою, и возводитъ глаголя. Аминь.*

*Таже наки второе погружаетъ его, и глаголетъ. И Сына. Аминь.*

*И наки третіе погружаетъ его, глаголя. И Святаго Духа. Аминь.*

*На коеждо реченіе низводя того въ купъли погруженіемъ въ воду, и возводя держа къ себѣ лицемъ. И абіе по крещеніи полагаетъ бываетъ крестивъиися куму на руки на синдонъ. Аще ли въ возрастъ, то полагаетъ бываетъ на выю его синдонъ, сирѣчь чехоль. И ставше обычно предъ святыми иконами, глаголютъ псаломъ 31.*

Блажѣни, имже отпустишася беззаконія, и имже прикрѣшася грѣси. Блаженъ мужъ, емуже не вмѣнитъ Господь грѣха, нижесть во устѣхъ его леть. Яко умолчѣхъ, обетшѣша кости моя, зовущу ми весь день. Яко день и ночь отяготѣ на мнѣ рука Твоя. Возвратѣхся на страсть, егда унзѣ ми тернъ. Беззаконія мое познахъ, и грѣха моего не покрыхъ. Рѣхъ, исповѣмъ на мя беззаконіе мое Господеви, и Ты отпустилъ еси нечестіе сѣрдца моего. За то помолится къ Тебѣ всякъ преподобный, во время благопотрѣбно. Обѣче въ потопѣ водъ многъ, къ Нему не приближатся. Ты еси прибѣжище мое, отъ скорби одержѣщія мя, радости моя, избави мя отъ обышѣдшихъ мя. Вразумлю Тя, и наставлю Тя на путь сей, вонже пойдѣши, утвержю на Тя очи мои. Не будѣте яко конь ѣмьскъ, имже нѣсть разума. Браздами и уздою челюсти ихъ востѣгнеши, не приближаю-

### Крещеніє мірскимъ чиномъ

щымся къ Тебѣ. Многі раны грѣшному, уповающаго же на Господа, милость обыдетъ. Веселитесь о Господѣ, и радуйтеся праведніи, и хвалитесь вси правіи сердцемъ (3 раза).

*И возлагаетъ на крестившагося крестъ съ гайтаномъ, глаголетъ.* Силою и заступленіемъ Честнаго Креста Твоего сохрани его, Господи. *И приложіа ко устамъ младенца, надѣваетъ на выю его.*

*И тако одѣваетъ того въ срачицу, глаголя.* Одѣвается рабъ Божіи, *имярекъ*, одѣяніемъ веселія и возрадованія, во имя Отца и Сына и Святаго Духа, аминь.

*На верхнюю же одежду (поясъ), глаголетъ.* Да возрадуется душа моя о Господѣ, облечѣ бо мя въ ризу спасенія и одѣяніе веселія возложі на мя.

*И поютъ ѵрмосъ.*

Ризу ми подаждь свѣтлу, одѣяися свѣтомъ яко ризою, многомилостиве Христе Боже нашъ. *И опояшутъ поясомъ.*

*Посемъ покадитъ святыя иконы, новокрещеннаго и прочихъ.*

*Таже.* Прокимень, гласъ 3-й. Господь просвѣщеніе мое и Спаситель мой, когó съ убою.

*Стихъ.* Господь защититель животу моему, отъ когó съ устрашу.

Къ римлянѣ посланіе святаго апостола Павла.

Братіе, елицы во Христа, Иуса крестихомся, въ смерть его крестіхомся. Спогребѣхомся убо съ Нимъ крещеніемъ въ смерть. Да якоже воста Христосъ отъ мертвыхъ славою Отчею. Тако и мы во обновленіе жизни ходіти начнемъ. Аще бо сообразны быхомъ подобію смерти Его, но и воскресенію будемъ причастници. Сіе вѣдюще яко

### Крещеніє мірскимъ чиномъ

ветхій нашъ человѣкъ съ Нимъ распятыся, да упразднѣется тѣло грѣховное, яко ктому не работати намъ грѣху, умѣрыи бо оправдися отъ грѣха. Аще ли умрѣхомъ со Христомъ, вѣруемъ яко и живи будемъ съ Нимъ. Вѣдаяще яко Христосъ воста отъ мертвыхъ, ктому уже не умретъ, смерть ему ктому не обладаетъ. Еже бо умре, грѣху умре единою. А еже живетъ Богови живетъ? Такоже и вы помышляйте себѣ, мѣртвымъ убо быти грѣху, живымъ же Богови, о Христѣ Исусѣ Господѣ нашемъ.

**Аллилуія.** Гласъ Господень на водахъ, Богъ славы возгремѣ, Господь на водахъ многихъ.

Аллилуія, аллилуія, аллилуія.

**Отъ Матѳея Святаго Евангелія чтеніе.**

Слава Тебѣ Господи.

**В**о время оно, единїи надесяте ученицы, идоша въ Галилею, въ гору, а може повелѣ имъ Исусъ, и видѣвше Его, поклонишася Ему. Ови же усомнѣшася. И приступль Исусъ, рече имъ, глаголя, дамися всяка власть, на Небеси и на земли. Шедше научите вся языки, крестяще ихъ, во имя Отца и Сына и Святаго Духа, учаще ихъ блюсти вся елика заповѣдахъ вамъ. И се азъ съ вами есмь во вся дни до скончанїя вѣка, аминь.

Слава Тебѣ Господи.

*Посемъ новокрещеннаго приложитъ къ Честному и Животворящему Кресту.*

**Посемъ.** Нынѣ отпушчаеши раба Своего Владыко, по глаголу Твоему съ миромъ. Яко видеста очи мои спасеніе Твое, еже еси уготовалъ предъ лицемъ всѣхъ людей. Свѣтъ во откровеніе языкомъ, и славу людей Твоихъ Израїля.

Крещеніе мірскимъ чиномъ

Господи помилуй *(40 разъ)*.

**Слава и нынѣ.**

Господи помилуй, Господи помилуй, Господи  
благослови *(съ поклоны)*.

*И отпустъ.*

Иже во Иорданѣ отъ Іоанна, нашего ради спасенія креститися пріемыи, Господи Исусе Христе Сыне Божіи, молитвъ ради Пречистыя Ти Матере, силою Честнаго и Животворящаго Креста, святыхъ славныхъ и всехвальныхъ апостолъ, *святаго имярекъ*, въ егоже крещень, и всѣхъ святыхъ, помилуй и спаси насъ, яко Благъ и Человѣколюбець. Аминь.

Господи помилуй *(3 раза)*.

Крещеніе мірскимъ чиномъ изъ древлепечатнаго Потребника, переизданнаго въ типографіи при Преображенскомъ богодѣльномъ домѣ, въ Москвѣ 1908 году.

Сей чинъ допустимо совершать: при гоненіяхъ; въ случаѣ смертной опасности младенца, если нѣтъ вблизи православнаго священника. Или же нѣтъ священника стоящаго въ истинѣ и совершающаго правильное православное крещеніе въ три погруженія, а не латинянскимъ еретическимъ обливаніемъ.



## Содержаніе

Предисловіе .....	3
Воскресная служба.....	4
Чинъ Вечерни .....	4
Чинъ Утрени .....	19
Часть первый .....	53
Часть третій .....	57
Часть шестый .....	62
Часть девятый .....	67
Обѣдница .....	72
Чинъ крещенія за не имѣніемъ православнаго іерея .....	82